

上

玩世齋集
上



10035

玩世齋稿自叙



夫叙詩者必臭味相投

合或年齒相若地位相當或朝

夕倡和或郵筒往來或千里神

交或異時同調始言不過實名



不虛附叙足重也世之叙詩者
古必漢魏律必盛唐我大明必
推七子必首王李餘皆偏詣
也當世之詩烏能人漢魏人
人盛唐人七子又人王李

哉且或假借於潤筆或迎合於
居間至有稱其詩不識其人者
比是也讀其文非不語色
絲合之於詩無當也間有寓譏
訕於揄揚歲雌黃於字句徒以

資旁觀者之噴飯問之作詩者
不知也則叙烏足重况文非三
都叙何須玄晏哉予但知詩以
言志傷悼則有言窮愁則有言
疾病則有言蒙謗則有言困乏

則有言行役則有言二美四難
見之吟詠十不得一又皆措大
語耳伊吾半世無暇於此中探
討不足言詩也賤無以達公卿
大人之門僻無以博詩人韻士

余三
之譽貧無以結騷人詞客之交
兼之以拙無七步八叉手之捷
易無走入醋甕之艱淺無三年
雙淚之深雖付剗剗聊備遺忘
無心行世煩詞壇之比擬大方

之楮墨而言大豈予任哉故世
人以漢魏盛唐七子王李叙人
詩予自叙予詩而已倘一二故
人知己不棄糠粃而賜以珠玉
異日當刻以冠諸首

天啟壬戌仲夏既望忍辱居士

華師召公保甫撰

[Faint bleed-through text from the reverse side of the page]

玩世齋集卷之二

梁谿華師召公保甫著

長樂縣人
振錄西
諸志



五言古詩

謁天竺

初日照羣峯肩輿入平莽馳道迢遞升靈
鷲威紆上紺殿逐時新松杉隔年長仰面
挹空翠心神一為爽白石何磷磷瀉泉
聲響涉此超然境笑人羈世網瞻禮恣徘徊

現世齋集 卷之一
徊吾當謝塵鞅

楓橋早發卽事兼懷雲谷從弟

茲晨發楓橋昨出吳江汜夜半聞鐘聲村
雞鳴不已駕棹十里餘尚是微茫裏欹枕
不成寐起坐臨窓几撥火敵輕寒短髮還
自理風急雨欲來因念同遊子

九日同兒子輩虹帶樓登高

清秋景物佳况節逢重九晴日懸碧空商

颺響林藪乘興一登樓高欺九龍首旣絕
公榮徒又乏伯倫友稚子四五人躡梯爭
抖擻開窓一舒眺四顧皆我有傑閣與層
臺窈窕墜吾手牧唱當清歌敲鐘代擊缶
獨插東籬花何必西園酒隨俗惟蟹螯儉
齋甘自守一飽味無餘欣然厭適口小大
從公邁茲會勝豈偶

元世齋集 卷之一
仲夏村居

生長慣村居遂與城市隔野曠日易升晨
光逗簷隙科跣出郊垞宿鳥飛鳴適天際
朝霞紅林端炊煙白南畝競栽禾東菑餉
新麥水漲漁網齊望奢幾竭澤稚子驅犢
歌少婦選陰緝農家無少壯男女忘朝夕
日暝散步歸驟雨濕雙屐

浪遊燕市失意南還顧泰初追隨千
里淹留二旬舟至臨清始登騎去余

感其情贈別

出門思獻賦單車輕入燕一朝不得意數
日卽言旋行時值暮秋景物皆蕭然霜凋
少年髮風欺逐客船長安有知己相遇自
相憐見我落第時肝膽日熬煎追隨不忍
別淹留下長川送我復別我繫馬衰楊邊
舟子請駕棹繾綣酒樓前左傾白玉盃右
贈黃金鞭握手水陸隔分袂燕吳懸看君

沙上去不語淚如泉
東昌道中值風波懷顧泰初
崎嶇長河間兀坐有寒色
衰葉何彌漫飛沙復蕭瑟
風飄落日西浪擊羈人側
對此懷故人踟躕空歎息

東昌道中懷公兼兄

追思別君時揮淚出江干
東風解客意不日趨長安
豈無振衣想直踏青雲端
詎意

遭放逐飛霜促歸鞍
去住不自由獨宿汀洲
湍驛使尚遲遲客況徒
漫漫呼酒酒已傾剔燈
燈自殘強吟不成調鳴
琴聊自寬清宵空悵望
無由生羽翰遙憶連枝
人結侶自爲歡相約黃
花飲誰憐黑貂寒懷君
君不見誰爲勸加餐再
思思轉劇長歌行路難

夜泊濟上

露下天籟收客舟棹方歇夜深人語稀坐
久踈星沒杯酒伴殘編孤燈照寒髮悠悠
春及秋偃蹇消日月

高臺獨眺有懷

客來自西北迢迢隔吳關倦遊時繫棹獨
眺高臺間臺上無所有惟餘荒蘚閒村前
寒日沒天際征鴻還遠浦渺無極落葉何
勝攀對此蕭疎景因之懷故山

不佞老困諸生足不出闔閭友不越
制科無由識天下名公鉅卿騷人詩
客間以試事走燕臺偶從先秘書交
遊中識一二合生平曾見顏色承聲
欵得二十人作懷舊詩有愧於太丘
交道之廣多矣

外王父弇州因爲季父後卬角過山園朝
夕待盃酒片言能重人人能重公否前後

四部饒著述稱富有千古無此人惜不登
中壽王司寇鳳洲

憶昔弱冠日飲餞奉常公盃筆不離口談
笑欲生風文學本世家關閩兩文宗頃篋
每迭奏翰墨更稱雄如何秣陵歸長嘯返
空同王奉常麟洲

昂藏宋徹戾鬚眉自生妍昔在長安邸杯
酒常周旋詩篇捷千首談笑傾四筵如何

未白髮忽爾摧朱顏騎馬過侯門零落慘
不歡宋徹侯忠甫

祕書文氏派達從布衣始旣擅臨池工復
深丹青理久宦老執戟燕山當桑梓就試
曾識荆通家忝知己贈詩復贈圖至今稱
雙笑管祕書建初

山人素不羈清狂乃真性持盃善戲謔操
觚捷響應後先先府君同發遊燕興客死

殊可憐才鬼終非幸五侯七貴間人人惜
短命不金山人元朗

服卿繪花鳥寫意更精絕乍見如和風久
交似明月酒間癖在狂人不盡怡悅奴隸
飲必歡盛筵若不屑生雖品未純死亦何
可羨文周少谷布衣

已丑雙鳳鳴叔止捷南宮金殿策未對玉
樓賦先工憐予幼蒙垢力加保護功詎意

白璧完竟終青衿窮年年道旁過徘徊馬
鬣封進士叔以玄

池水同研席倏忽八載餘詞賦闖西京風
流冠東吳爾竟死爲令予遂終閒居時一
展遺墨恍惚雲霞攄埋玉雖可憐今名已
不虛張灘縣池水

茂卿兄弟行二紀長其齒把臂多在燕托
棲原同里詩句擅三唐丹青入神理二事

足千秋功名嚼蠟耳吾伊終此生梁溪絕
佳士只與安太學茂卿

比部美姿容威儀更楚楚執法西曹郎慮
囚兩淞土報命抵江干臥病厭珪組揮手
別江神須臾已千古造物禍吾宗哲人氣
未吐同比部叔祖晴宇臨比部叔祖晴宇
少宰雖佐銓以孝規皇躬一疏天聽高九
廟神靈通還山十年久稱屈百僚同綱常

賴公扶八座何足崇聖意終自悔沒後倍
哀榮五孫少宰栢潭

朗哉吾父行相見呼小友燕山尚蒼顏金
陵成皓首對客每操觚老更豪於酒賈禍
亦以茲世事如翻手身後且莫論罵坐終
不朽無顧山人朗哉

吾愛王先生口如懸河然臨池比右軍博
物如茂先名馳數千里縱橫六十年不慕

中祕官皈依空王前歸骨廣長菴令人思
昔賢王太學百谷

吾宗無柱史從叔開天荒豸冠坐栢臺廣
柳哭萱堂予既偶同庚日月皆附光一年
共桑梓二豎居膏肓先德綽楔存終為茂
草長 侍御叔本素

科名五世傳恬澹本天賦塵視天官郎絕
跡平津府與余本舅甥相見必爾汝姻婭

晚更聯多情重親故公車合秬苑片語皆
千古 王吏部澹生

豐城李夫子恬靜澹無營為吏樂清貧為
郎聽沈冥晚始躋九列銀臺遂藏精他人
退為進吾師死猶生但餘及門士時悲棟
梁傾 李通叅元冲

廣信昔在雍卯翼真我師出守乃一麾念
母年期願報親五花誥教子一經遺銜盃

任所適攜局隨所之傷哉易簣日子捷南
宮時張廣信帖望

生長菰蘆中托跡方外人避仇入燕臺久
屈遂得伸幸因司農例援稱太常臣交道
既日廣詩句亦日新歸來卽埋玉羽流實
無倫顧奉祀泰初

望族更名家先生乃翹楚識荆自燕山托
交府君故文章固人工道骨本天賦吳興

時過從玄言每傾吐詞翰猶若新其人已
千古吳徵君允兆

上人吾宗秀駐錫鷺湖潯悟得真空理不
與世緣深無定偶遊燕無住還故林新詩
時一吐亦爲世所欽竟作病維摩圓寂等
浮沈族釋夢蘆

後成宗老初度奉贈
結廬傍深谿生平耻齷齪軒開愜幽賞戶

現世集 卷之二
扁鮮剝啄盥櫛坐竹邊閒吟遶籬落自言
慶開卷欣然負先覺卧遊如少文懸壁惟
五嶽倦來傲羲皇客至遵河朔年年屆初
度履舄相過數箕踞且科頭觥籌日交錯
却笑紅塵士何似山中樂騰騰趣疇若便
便腹誰學不羨服食仙松喬自我作幾見
百歲翁玉顏如總角

析產兒輩作

祖父餽粥資耗散幾無餘牀頭何所存惟
留數卷書倦臥首暫枕醒讀眉常舒兼之
未老衰終歲伴索居今亦非吾有灑脫不
躊躇從茲慶閒逸勿復問田廬飄然一身
輕此樂人孰如
自西而自東吾行皆居二少壯縛伊吾不
解生產事彭澤五男兒偶爾同其累洛陽
無二頃難爲餬口計長久惟虛空何必論

興廢建哉龐居士捐家洪濤內願學壺公
壺壺中有天地
人生誰百年來日短去日齒髮已漸凋向
平累未畢長病兼窮愁坐臥僅一室絕意
人中龍比迹禪中虱聚散何了期子得父
非失書空惟據梧閒吟時抱膝笑殺守錢
虜甘爲馬牛役

登虹帶樓望東園用沈休文宿東園

韻

太史舊時廬非復當年路夢寐寄登臨聊
代縱余步樓閣勢參差松竹影交互魏祠
尚如昨長廊新於故曲沼藏烟霞疎峯積
霜露精舍歲益增遊人去還顧梧深棲鳳
凰洞闢逐狐兔極目藉憑高馳情托毫素
主人勝當時留客淹晨暮夜靜天籟清笙
歌隨風度

送賈善長大行還朝

秋仲涼氣微
攜舟送同心
擬盡同心言
選憩嘉樹林
畧去形骸累
席設清溪陰
雲泥途既殊
金石誼何深
簫鼓寂中流
離亭遍鳴禽
連袂上河梁
驪歌隨風吟
故人何依依
津樹何森森
娟娟月東吐
灼灼日西沈
欲別情不忍
憂思那可任
中年感睽違
涕淚忽沾衿
北逢南來鴻
無金玉爾音

杜門園居用謝靈運齋中讀書韻

同學多簪纓
余猶置丘壑
素性厭繁華
棲神合澹漠
事違甘參商
交絕惟鳥雀
病骨畏幽聞
虛心羨著作
開卷忘晨昏
杜門鮮戲謔
惟窺董生園
不賦王子閣
富貴無容求
詩書自足樂
窮達難並觀
獨生幸可托
嘉禾道中卽事用謝宣遠答靈運韻
仲冬風日和
船窻旅思清
捲簾暖氣入
停

澹月色盈獨坐無物役寢食自成寧詩思
靜中來五字枕上成自吟還自寫轉覺多
閒情嗟余雖憂患病況若為輕屈指陽生
近私願祈長生

懷雲谷從弟用沈休文別范安成韻
武林先後發握手三日期如何挂帆後不
見停舟時攜來一尊酒獨酌不自持長川
月如銀夜夜勞相思

舟中讀昭明文選用陶淵明讀山海

經韻

仲冬寒氣肅浦樹忽蕭疎偶鼓錢塘楫月
下出吾廬暫拋塵世網笑讀古人書爐香
勝密友方舟代安車盤飧無兼味攜摘山
園蔬霜威凜夜分濁酒與之俱細檢昭明
選博古真良圖空虛慙對客有叩恒裕如
往返錢塘與雲谷從弟相失再奉懷

一首用曹子建送應氏韻

錢塘衣帶水岐路何不常輟棹遲明月解
纜愁嚴霜誰云地可縮竟成天各方搔首
歎無聊令節生一陽有炊不能餐有酒不
盡觴既虛負子約徒令迴我腸悵望會面
難翻恨道路長却輸雙鳴鳥河上同翱翔
崇德遇張桂林先生舟不及晤偶成
用鮑明遠行藥至城東橋韻

伐鼓聞雞唱欹枕未通晨干旌滿大道避
逅此城闔仙槎儼天居關吏候河津日出
圖握手風利隔音塵過越仕宦客還吳浪
遊人貧賤故交疎富貴他鄉親萬里君王
命百年臣子身行役盡殘臘臨民及早春
尊寵千騎擁那能念隱淪十年門下士去
去含悲辛

東園宴客用曹子建公讌詩韻

名園設秋宴未日不知疲金罍充圓方珠
履相追隨觥籌恣交錯戲謔復參差茱萸
滿華堂芙蓉覆清池鴻鴈盤遠天蟬聲戀
高枝心閒樂不極斜陽席還移客祝賢主
人歡娛恒若斯

重陽後一日兒曹赴芙蓉之酌余乘
馭北暇往芙蓉山記事

人開芙蓉宴我登芙蓉嶺宴賞是空花嶺

岫白雲境杖策陟其巔徙倚傍松影雖無
煩紆磴亦自山谷靜徘徊久延竚若牀亦
若屏天朗四望清羣峯森羅整因懷太古
心塵世虛馳騁華屋終山丘令人發深省
歸棹趁夕陽煙光凝暮景燒燈記茲遊欣
然托毛穎鄰家綺筵收寂寞芙蓉冷

仲夏十日蔣仲龍來小飲荒圃即用

見投韻

經年不見君何意忽來此因思昨雙鵲簷
前噪不已今日草堂中遂得逢知己老醜
我自慚丰度君何美銜盃問寒暄堂北涼
風起黃鳥似解人睨皖聲如語長貧俱具
微願言無吾以
山中孝祖祠祭自吾祖學士始郡丞
兄春秋必陪令公祭余不及陪賦此
令公薄貲郎太學固所賤吾亦厭俯仰經

年不入縣士各具鬚眉何輕博一箇山中
有祖祠祀典百年衍學士創此舉崇孝江
南遍麟玉主豆籩倏忽如過電簪紱難至
今世事滄桑變春仲值丁期令公親拜奠
松楸俱生光遺像承顧盼祭酒幸有人齒
爵一時擅追陪選名園梅花設芳宴佳哉
冠裳會難以青衫見措大雖偃僂令公未
必善太潔吾所獨況兼逢迎倦

懷希愚弟滯吳門

言念習靜日適意無世塵碧梧與黃芝詩
筒當比隣風雨橫來時別去已浹旬掩關
暑未過睽如越與秦庭際滿桐花開謝忽
若陳茂苑一何遠留滯無相親地遐心自
邇那忍學路人縮地恨無術揚舲欲問津
白水渺難極翹首隔青旻埴篴奏未合芳
樽怕沾脣

書懷

犬馬齒五旬長子先我殞脩短固有數腸
斷寧堪忍密戚寬我悲曲譬復遠引我亦
念未完餘年聊自愍遺孤三歲孩非慧亦
非蠢季夏相繼殤生氣始都盡兒孫如聚
萍榮枯似朝菌造物總無心順受怨尤泯
衰老與憂會髮白何時鬢排遣付沈冥恐
爲忌者哂

苦雨

中秋皓魄圓淫雨遂淡旬陰雲黯不開浙
瀝暮還晨炊煙絕林杪村落少行人無食
未足憂有戒妄過鄰愁坐對秋草蕭索誰
與陳一爐時一卷形神不相親薄寒不覺
暝燒燈酒沾脣頹然欲就枕簷溜催吾輩
若果禾生耳餬口將益貧

壽還淳胡翁六十

烈祖稱循吏貽謀多詩書令子奉庭訓埋
頭業公車課讀復兼耕蕭然一故廬有時
弄柔翰八席雲霞攄有時寄吟咏口角吐
璠璣癖無好客名對客常晏如貧無長夜
飲酒趣恒有餘素厭城市囂自全聊索居
家近湖田芻不歎食無魚布衣夜郎尊耻
爲公府趨不傷世人老寒暄托樵漁惟覺
年歲長焉知日月徂我有萬年觴華封祝

非譽願君花甲後蔗境正舒徐

初冬猶子攜酌東來苑賞芙蓉月下

盡醉有感

相約採芙蓉試遊墻外廬驟觀千株燦忽
覺雙眸舒猶子能乘輿攜樽復烹魚與席
皆知已酒半花間趨戲謔有至理何必談
詩書舉首月在盃顧影映桑榆洗盞更轟
飲頽然自怡愉因念多病者此會那能俱

親者日以親踈者日以踈樂極反不歡不
如且歸與

長至夜哭亡兒塚邊抵家燈下獨坐

故事諸兒聚飲因情緒慘結罷却感

懷

至夜陽氣回皎然星月爛節至感存亡衰
侵傷聚散獨坐悼殤兒一坏方弱冠日往
泣松楸夕思邈河漢因之慘不樂攢眉輟

家宴孤燈甘寂寥隻身生活歎排悶步庭
除消愁托柔翰忽聞天際鴻聲悽鴈行斷
強飲不成醉欹枕竟達旦

送馮順溪出葵山中用陶韻輓之

有子繫縲綫六十絕歡娛一病別妻孥移
棺入荒墟傷哉丘隴間四望無人居舊塚
多纍纍踈松兩三株牛羊日爲伴螻蟻今
不如百歲若未足夭死已有餘富貴總浮

雲彭殤等幻虛人生恍大寤山水皆空無

五日雨後赴猶子泛蒲之酌有感

雨脚卯漸收新漲生汪瀾猶子具蒲觴聊
與共盤桓鳴鳩互愁濕臨風振羽翰翳散
氣更爽旭日吐雲端虛堂滿葵榴何必泛
龍山緬想同心人侶伴皆衣冠富貴豈不
榮無乃多憂患何如中林士散髮恣爲歡
貧賤樂自饒知足亦殊難

侯甥伯遠餉酒獨酌成醉用顏延之

詠阮步兵韻

吾願學步兵朗識慙空洞太潔受沈埋獨
行遭譏諷閉戶托養病寡諧甘駭衆醇醪
聊自遣酣飲幾欲慟

園居述懷用王僧達答顏延年韻

儉歲艱餬口却掃北山陰供具兒無錢盤
餐我何心蕩子饒資斧坐客滿如林流連

恣暴殄喧囂逞素襟吾甘慳且癖不顧浮
與沈脫粟僅獨飽濁酒聊自斟莫嫌目境
卑高閣羅遙岑雲生逗清涼風來遞好音
但幸世情遠竟忘衰鬢侵愁至耻長歎句
就有微吟日落日還升節往節復臨牀頭
一卷在笑勝堆黃金

與深早起入園卽景用江淹雜詩殷東陽

平明仲文興矚韻

平明即涉園往往有真趣露頂出庭除適
與飛鳥遇日光映遠村炊烟裊深樹晨餐
具中厨歲儉惟茹素餐罷課山童灌花乃
急務好客人自忙閉門我何慕未午寢不
妨寢能息萬慮
長夏養病聞猶子山中宴客信宿而
興或返成五言古體一章
長夏苦病侵坐不離咫尺同室久睽違羣

從鮮接跡時聞長夜飲時聞過東壁時聞
駕畫船為宴山中客出入總自由流連任
已適紅裙固多情青衫竟何益嗟予少年
時兄弟善相責兄亡鬢尚青弟衰頭漸白
家教久廢弛此義誰與折有口不得開能
無愧今昔慚予忝父行揣分空歎息

猶子欲置城庄旁屋習讀予念先兄
未葬費尚無措况去鄉離母亦非得

策止之未予從也成一詩示之
吾年五十餘見娶無婚室屈指花甲周向
平累未畢汝猶未生兒多女蘭蕙質遠爲
堂構思具見經營密念汝父未葬其費從
何出生產事固佳尚屬可緩日不早若不
豫早亦不必九世能同居公藝古無匹
汝兄弟兩人雖分體從一定省共晨昏無
離慈母膝鄉靜城囂喧城居計亦失勿借

言讀書洗囊涉輕率

新秋園居卽事

秋風吹枕簟晨起暫巾幘脫粟啖園蔬人
天供難匹興來偶課詩倦至惟調息午飯
與晡餐無餘忻自得畏客門不開門開客
無跡弱孫語成音喃喃戲我側朝夕藉歡
娛窮愁頓消釋日絕何胤肉夜遠周顒室
斜暉沐蓬湯酣飲舒荔席習慣童僕閒心

安起居逸人樂我不如我樂人不識却訝
北山窩喧寂分咫尺東壁邀擲采西園約
浮白杯擎起睚眦四座皆敵國使酒復使
氣莫逆終無益何似兩不爲非主亦非客
煩惱除太虛騰騰睡亦適

九日獨登虹帶樓用陶靖節九日閒

居韻

重九遞辰來撫景樂自生千載陶彭澤閒

居愛其名樓高村樹低望遠湖山明蒼鷹
天外影金犢水邊聲極目動遐思疲足忘
衰齡兒曹進蟹螯濁酒聊獨傾貧賤亦各
適塵爵皆浮榮俯仰囂囂然吾已忘世情
徘徊東籬下藏拙甘無成

初冬有感用陶韻

人生苦不適循環浩無端風波四時生累
足清夢安有耳不欲聞有目不欲觀去亦

任其去還亦任其還纔過春王正倏忽復
歲寒兄弟已千載死生誰二難東西緣欲
絕聚散兩無干溪光淨如練落暉照衰顏
咫尺雖千里靜思暫相關迢遙望天河參
商我所歎

閒居雜言六首偶用陶靖節歸園田

居韻

少小慕恬曠神往九龍山垂齟被青衿

枯四十年如鳥隔茂林如魚羨深淵一旦
棄雞肋忽悟耕園田築圃無三畝架屋踰
十間栽花滿堤面種松遍庭前野徑落紅
雨深竹逗青煙金犢鳴墻外蒼颯巢樹顛
獨坐神淡漠散步趣幽閒身離得失地夢
覺俱怡然
經歲掩荆扉端居謝塵鞅身賤避貴人齒
衰絕妄想有時入山中素心共還往乍見

戒寒溫雜坐無少長爭誇飲興豪不羨交
道廣竟日豕鹿遊忘形共草莽
半世苦向平產廢生計稀遣悶欲他往興
盡將無歸饑饉虞艱食寒暑愁無衣衣食
不足慕願言志無違
園林多寂寞閒居絕歡娛竹徑草不除榛
蕪似荒墟經月無人踪聊依木石居汲井
灌枯卉呼童拾朽株終日勤吾形晚來恒

自如涉世遇不偶爲圃力有餘朝市固若
浼歲月安能虛顯晦總一途暫有終常無
蔬水寓真樂倦來肱可曲無家了不憂有
子私自足生拙博奕技山齋無棋局止餘
四壁書晷沈繼以燭衰至苦夜眠一夢望
天旭

數畝析兒曹不羨連阡陌餬口亦足充三
食聊自適雜花四時開戀賞終日夕有時

現世集卷之一
故人來平頭窺簷隙入門卽呼樽相期無
役役男人力農桑婦女勤紡績消長聽兒
孫馬牛竟何益

聞熊經畧被言罷鎮

東夷如鬼方狡焉思啟疆李氏乃世守積
弱氣不揚損軍復失地一死何足償經臣
已再易賜劔出尚方出關騰薦牘入關挂
彈章高鳥猶未盡良弓忽先藏二載苦籌

邊英雄徒自傷國運幸天啟少主正當陽
用舍決臺省功罪懸朝堂惟願代者能終
爲去者光一戰復土地再戰繫名王俘囚
獻天子威名播遐荒罷兵民力省社稷終
靈長

綺兒欲強就縣試力止之成一詩以
勉勵將來

束髮習詩書早發非不好試豈務虛名將

以攄所抱躁進世皆然自得貴深造汝年
已十七我心憂如擣遭遇固有時進取亦
非早臨淵欲羨魚結網難草草熱中汝且
休不若事論討垂齧得青衫汝父已成老
前後八獻書南北俱潦倒欲速竟無功往
事何堪道汝果真大材晚成亦可保

梁姬爲阿咸來不佞窘之不得留初
不知代庖爲獻伯也厥翁重珍有詩

見遺次韻解嘲

聲妓稱謝安吾愧東山客佳人似莫愁拒
之河西陌可憐滅燭避幾累絕纓責賭勝
羅囊焚棋罷屐齒折扁舟角枕孤獨看東
方白

有感

吾聞古人云寧靜在所養優游無久戀得
意勿再往三復此格言遇事每心賞驕矜

素所克痛戒首遊蕩却笑趨時者柔媚善
俯仰舍己耘人田已田鞠爲莽園圃盡荒
蕪白日容颺颺患難遠若浼安樂羣爲黨
飲食日如流金錢恣慨慷媿嫉改怡悅何
頓殊今曩友爲識者嗤示人真不廣習靜
不出山因之發深想

天泉

泉從巖際出晝夜滴不歇大雨不成流久

旱亦不竭澄然一潭盈清可數毛髮晨夕
汲一盃供佛馨香發餘充香積厨僧貧煮
薇蕨磨石名天泉盥漱勿汨沒

有感作

我生不逢辰四十被譖始半百罹沈疴自
度無生理近益衰相現彫髮復墮齒雖然
稟賦薄亦爲幽憤使疾旣入膏肓待盡山
阿裏路在成荆榛蹊塞無桃李偶聞違心

言終夜常數起勿認殘喘延長生可無已
頽齡如日暮不能戀妻子旦夕甘鬼錄何
復失此已長揖謝世人從今只掩耳

題嘉遜園

太史寧親時雅意耽泉石嘉遜名茲園學
易有真得已斷玉署夢多蠟青山屐早懷
知退心境與市朝隔草堂臨清池群峯饒
古色復以木天召復着朝天鳥不待北山
文遂效陶彭澤三徑不就荒二仲時能跡
却笑纓組士終爲浮榮役

題東園

學士構別業茲園獨掩映探奇不出門數
武駕可命石色遜湖上而獨以水勝亭軒
皆臨池樓閣復橫亘刺艇蕩中流浩漫不
可竟後稍改面目雕績失天性焚魚棲碧
山遙想當年盛

題西園

東里一廢園，偏能饒古樹。
學士拈拮餘，婆娑領真趣。
惜已逼崦嵫，不得經營預。
祕書繼爲政，泉石亦成痼。
洞庭色不乏，惜受山師悞。
地廣水勢慳，林深鳥聲度。
別館亦星羅，客至忘來去。
墻外聽笙歌，疑有神仙住。

題拙圃

少小厭囂喧，自嫌闢園早。
非爲樂遊閒，藏

脩便論討，惜費是愚人。
吾喜經營好，無水亦無山。
有花兼有草，客絕門常關。
苔滋徑不掃，靜坐閱歲年。
坦步開懷抱，青鬢卽憩茲。
長住忽成老，銷歇是繁華。
丘壑欣獨保，人巧吾不如。
用拙存吾道。

偶書

世界欲翻覆，事事改其故。
何不循其常，循之必生忤。
誰謂師長嚴，顯背心不慕。
誰謂

父母尊身死後不顧旁人進藥石氣岸高
難悟人主萬乘貴臺諫左右布奏疏縱切
直寬假容言路不若父師親及遭子弟惡
物態如江河滔滔日東注不如塞兩聰是
非耳不汚

施戩穀先生赴京兆試用陶靖節讀

山海經韻送之

孟秋天氣涼池上樹扶疎文星照建業故

人出吾廬行李挂一劔腹藏五車書意氣
自揚揚慨然就單車臨行酌卮酒佐以山
園蔬予乃倦遊人不能與子俱子念雙白
頭酬報須早圖屈指泥金至高堂樂何如
希愚弟應京兆試凡三矣用陶韻得
二首送之
石城非遠道把袂無離情青雲常夢寐誰
云是浮名所以需此出庶不負茲生三二年

豐羽毛一鳴萬人驚猶嫌搗翼久英雄耻
晚成材傑秣陵行弟兄挈壺至酒以壯行色臨
岐須盡醉群從忽咸來傳觴畧行次握手
私相語晚遇乃爲貴卞和雖兩別三獻有
深味

猶子初赴京兆試用韋韻送之

延袤石頭城長江日抱流多士爭雲集桂

香月中秋吾家阮仲容初爲建業遊驅車
躋高岡負笈遵平疇願爾登青雲報父齋
荒丘勿以桃葉鬧頓忘竹林幽卿相多少
年飛騰意須留

新秋往湖上述懷二首俱用陶韻

問我金陵舫期近何時開道在難求合無
寶安所懷衰與病且會數奇見時乖耻與
少年伍非爲戀幽棲是以人若狂吾甘醉

如泥偶然往故鄉舉目復寡諧不如泛湖
心忘歸路非迷小憩採菱芡斜陽駕方回
已輟遠遊棹偶往東南隅紛紛同宗子盡
走長干途我已悟卷舒不爲功名驅笑人
勞形神吾計良有餘急歸謝塵氛掩關堅
索居

侯甥伯遠下鄉讀書先祠用顏延年

夏夜呈從兄散騎車長沙韻却贈

城市厭剝啄山村謝塵紛屏居夏已改散
帙秋將分書帶滿白露几席生青雲玄蟬
晝長鳴寒蛩夜時聞綵筆吐光怪綺思奪
芳芬拾芥氣獨銳繩武志偏殷幽思鬼神
通咳唾盡成文
酒竭戲成
世人好羣飲酒後戈矛陳吾不嫌獨酌一

卷卽比鄰始笑楊子雲欲飲愧家貧偶然
得一醉時賴載醪人吾酒向不乏今亦甕
生塵倘逢籬邊餉那惜頭上巾稅薄秫田
寬不慮釀無新陶家側可葬何愁有盡身

髮落戲成

短髮臨窻前蕭蕭不堪理擢莖數易竟堆
髻挽難起禿矣老僧如紛然落葉似煩惱
除已盡丈夫表堪耻倘踐周公位三握將

何以禁足少年場頭顱照秋水

八月晦日夜大雨曉起知錄信志感

淫雨連朝暮催殘助木落曉起盼空庭衣
單涼氣薄臚傳泥金報諸君判潛躍傾城
競喧填蓬門自蕭索吾乃世外人猶厭簷
前鵲緬思同局者誰肯甘寂寞出門眼難
開世窄坏何鑿遭逢固有數軒輕世情惡
吾家多少年須裕寒光鏗人定能勝天祕

訣在勤學吾亦無所羨吾亦無所托自愧
已過時避人隱丘壑

將杭行留別雲陽弟

汝因至節歸吾反作行旅汝歸戀妻孥吾
行拋子女去去不可留孤舟謝朋侶若問
去何爲搖手無可語若問去何方浮踪無
定處但恨乏遊貲五嶽尚齟齬遺世豈不
能頭顱已如許

抵武林舟中微月獨酌有述

托遊豈無意遊便致自殊離家無離憂孤
坐興不孤家釀呼未竭烏程何俟沽携來
杖頭錢清齋無所需微月映舷前寒宵藉
爲娛妻子何屑戀愚人笑吾愚吮筆試燈
前聊以寫區區

別賈善長憲副偶用唐張文昌別段

與人生韻

與兄同青衿泮水相追隨後復稱主賓同
席事詩書兄獨脫穎去我徒園不窺出入
黃金臺故人生光儀貴賤雖異轍賴兄相
扶持含香擢方面聚首又別離我滯梁溪
濱兄往錢塘湄握手情難割分袂淚如絲
羨兄具異才內外何不宜淞中盤錯地利
器政其時我有台蕩遊車馬或相期願言
報明主會晤莫嫌遲

冒霧入城
宿霧收半空早出明衣衿如雪籠遠岫似
霜結空林水靄疑嵐氣屋隙生輕陰步步
入雲去白頭成短吟

歲暮浙兵經過生變紀事
募兵幾空籍無賴皆充伍枵腹許從戎撫
循實無主縱橫恣劫掠郡邑無不苦江南
稱保障雕敝成瘠土守臣寄一方無計除

跋扈戒嚴護出境僅得如安堵本欲得熊
羆今反成豺虎過江歷淮揚入河經齊魯
間關逾二載始達遼之滄搔擾爲長技未
必辦殺虜君門萬里遙利害向誰吐內地
欲土崩萬姓淚如雨

和東事成敗不可知作
寓內承平久天下苦用兵召募皆烏合戰

守無堅營轉輸時匱乏何以壯先聲遼左
耻未雪川西變復生守臣遭戮辱國體失
不輕禦寇倚女子固圉恃冰城伎倆僅如
此難以保神京謀國無遠慮金甌能不傾
兼之傍觀者議論徒庭盈主少國是疑黃
閣誰持衡參商若僨事厚祿慚公卿十羊
敗九牧杞人憂未平
次兒院試不售歌以寬之

羣從次第雋吾兒復見遺進取固未偶遭
逢或有時低昂任俗分得失貴自知人姿
如少女兒文非色絲空懷千里志鍛羽將
何之黃卷未燒却青燈還自私但愧賦未
工勿怨媒無貲脫穎雖不早焚舟猶未遲
尺鷁何足羨大鵬以爲期靜躁局暫分寂
寞須自持來者猶可追吟成向兒規

夏夜獨步庭下卽事用陶韻

今夏接去夏光景環無端經年惟一室自
慣容膝安日影落西山庭卉下堦觀衆鳥
散飲啄日暮獨飛還時聽新琅玕鳴玉生
輕寒處此自適境強欲涉世難耳目俱清
靜幸無衣食干露頂坐簷前三盃醲衰顏
頽然付蝶夢宇宙不相關幽閒常如此索
居豈所歎

玩世齋集卷之二

淡雲散後... 蕭然村... 今夏...

玩世齋集卷之二

梁溪華師召公保甫著

七言古詩

五十言懷敬步先學士六十言懷

韻

蒜髮垂眉後季父隨人脚跟愧不及廿載
諸生北復南伊吾不效慕蓑笠幸無隱過
負幽明慙無顯善聞鄉邑含沙受射又一

紀倏忽光陰年五十余非白壁點青蠅從
前懊恨今交集稱觴雖有五男兒晨起參
差傍我立追思泉下孿生人顧影成單悲
欲泣榮瘁關情玄鬢霜存亡動念青衫濕
況是遭讒被謗翁兒曹勿拜但長揖春酒
沾脣卽閉門捉筆抒懷紀新什

高陽行慰雲谷以酒失絕交且寓解

嘲

高陽酒徒晝不冠鯨吞牛飲夜將殘杯中
戈矛背忽裂堂下風波膽欲寒怒氣所激
萬髮指友情何論寸心丹但知浮白那受
此若說絕交羞挂齒雖然偶作灌將軍到
底還如羊叔子同舟覆水勢難收旁人下
石時無已君不能忍辱甘承當又不能肉
袒回熱腸詭若閉門弄婦女何必仰面看
屋梁無須彈鋏食孟嘗何如歸去效柴桑

伯鸞原不因人熱恃人不久自恃長山濤
書問無妨斷莫成幽憤學嵇康身垢名污
容易老十年吾為鬢毛霜
氣數中秋九日距明年闈中一周耳雨中
北林戲作短歌
歲儉常齋不食豬屏居遠市不烹魚一爐
一茗送滂雨朝朝暮暮只攤書禿鬢衰顏
慕赤芾縱得青雲過五十欲挾殘編病不

能暗檢貂裘淚堪濕烏頭難白人共知羊
腸已過我甘辭且斟且酌惟家釀自興自
廢任吾兒

追思往事交知中復有及者作此代

答

十五年前禍機發至今魂夢尚忽忽但知
處仲堪作賊不識孝伯無長物萋斐亘天
可奈何平地風波後復多彼譖人者未投

畀負屈含冤哭當歌通衢蔽塞往來息拖
泥帶水少顏色堪嗟咫尺是羊腸忍辱甘
心惟木石不羞婚嫁囊無錢不羞閱墻鄉
邑傳自顧頭顱漸如雪惟願裹足銷餘年

壽景梧族兄六十

吾兄不是菰蘆人江淮河濟曾問津匹馬
翩翩到冀北縱觀宮闕皆金銀繁華忽悟
如嚼蠟掉頭不顧如輕塵歸來湖東三畝

宅歲月逍遙當避秦斑衣戲舞埧箎奏絳
燭高烧竹肉勻闌圍栽花兼種竹晨昏自
課爲約束春至衆芳紅似錦雨後新竿碧
於玉有時種蔬佐脫粟滋味常誇勝五谷
有時秣果曲池傍山鳥頻來知果熟雖然
自不愧羲皇撚鬚長嘯旬方六朱顏玄鬢
詎須論有兒名塲復有孫更有奇逢兄適
邁快事爭傳集慶門花朝初度仍留閨甲

子纔週恰改元川至日升方未艾農歌社
劇樂丘園珠履三千時滿座葡萄莫吝貯
芳尊

壽金重珍七十

先生傲骨鬢尚宣廣顙碧眼朱雙顴著書
萬言世共傳綸巾大袖形飄然五岳逍遙
在脚邊扶筇不策如神仙離家欲斷周妻
緣作客慣下徐榻懸有時遊倦忽言旋縵

眉礙眼卽上船江南江北誇二天爲儒爲
道亦能禪意氣塵視黃金錢頭顱不受衆
人憐興來揮毫詩百篇興盡傾觴只醉眠
庭下彩鳳何翩翩中有一鳳毛更鮮阿翁
兩足耽林泉佳兒五指生雲烟四壁丹青
顏色妍千山萬水羅筵前聳身直上蒼崖
巔勝是經年屐底穿此樂休論價十千何
須十萬遂腰纏古稀而後事事圓況是

君王建極年

壽倪念萱六十 代嚴司寇作

長君讀書少甚工公車厭薄藏其鋒焚筆
 學稼稱老農開軒面圃居城東世饒資斧
 號素封敦詩習禮仍儒風雲林鼻祖高士
 雄翰墨一派人中龍長君繩武無凡踪大
 隱小隱奇若庸振撼不動千丈峯斟酌不
 欵萬石鐘雪膚玉顏腴且豐酒德中聖雙

頰紅生無長物笑王恭牙籌較笑耻王戎
 有兒名場衆群空忽忽豹變騰秋虹有弟
 鴛班侍殿中三尺鸞章榮乃公長君都不
 置心胷輕如鴻毛眼底空邀賓命酌快事
 濃春風秋月境不窮登山十里却扶筇探
 奇五湖一棹通歲月冉冉花甲逢海屋籌
 添貌不翁朱顏玄鬢百花叢兒孫遞祝樂
 融融爽鳩匏繫闕過從械詞東望氣鬱葱

秋來看子登蟾宮金陵署裏觴期躬

有感時事信筆漫成一歌

少年天子坐未央日月久晦今復光舉朝
拭目望中興曠官盡補氣發揚言路大開
日千牘朝上夕下聖聽張舊輔新叅一時
盛九人兼除政事堂無何月旦分否臧御
墨尚濕登彈章入朝去國須臾事用舍遂
判分行藏臺省旁搜及隱逸頗及巖居諸

大良昔非今是憑何定回首變幻真滄桑
遇者遺者未盡真要津棄取終何常當年
昂首稱鳳凰今日失意名豺狼進賢浮榮
終外物到頭一着終茫茫吾爲若輩私商
量入班珮笏羨鏗鏘還山狼狽笑踉蹌人
間治否非關若徒爾僕僕道路傍肯將七
尺供如簧甲可乙否真若狂何似擁書數
萬卷閉戶涼風傲上皇南面百城尚不屑

區區簪紱誰云強勿拘桑蓬志四方斗室
自有千秋業男兒何必離故鄉嗚呼男兒
何必離故鄉

蛾眉行有感作

蛾眉爭妬粉黛場娉婷老醜原無常忘口
啖我愛初許餘桃追恨弛時長色衰紅顏
不再好銀牀半冷身將老誰知金屋寵曾
專天長地久終難保用人積薪古云爾賤

妾新故亦如此後來居上亦何言班姬詠
扇情無已不如嫁作貧兒婦執作糟糠同
白首半釵薄命到頭難何戀黃金高北斗
人日試燈宴客卽景

雪積千林白浩浩微有晴光映荒草無須
華月照高臺共快新年人日好邀賓婦出
牀頭醪燒燈兒剝盤中棗里閑親知樂最
真長安卿相何足道臘殘雖尚未逢春茲

宵一刻先堪寶黃金縱爲向平空留得清
貧分終保世間涼燠等閒看持杯且共開
懷抱及時行樂正無涯莫遣風光笑人老
余遭先祕書喪先兄析一莊余苦辭
之不得也此時余兄弟有讓產辭產
之名及先兄亡余爲兩孤悉心綜覈
簿籍昭然及生母亡小有所析及余
婦余却之皆無分毫染指也獨嗣母

周安人亡後遭鏹金銷骨之謗旁觀
者以嗣母之貲卽多取非過也余實
非其人安能頰首而受此污哉閒居
終不能忘此不白之冤也聊作一詩
識之以示子孫且令後人知余之生
平若此云爾

貪夫徇財不顧名萬年百世遺醜聲大者
登朝作墨吏衣冠盜賊隳生平小者總取

非其有穿窬之類羞不輕束髮讀書愛廉
潔清脩孤特許同盟伊尹一介取與式楊
震四知肝膽傾浮沈里閭絕仕路此身不
染心光明髻年出嗣後季父粗衣惡食甘
自苦旁人傷我如子騫父母聞之淚如雨
承顏順志是兒分亡躬含歛送入土遺貲
寸縷誓無私竊鑊攘金受人侮辱焦舌做
毀不銷赤手將心向天吐譬如貞女被惡

名彼譖人者甚豺虎追思三十嚴親亡千
金苦却實中腸吾兄堅欲遵父命欲却不
得心自傷吾兄服闋即相繼笑然孤寡淚
汪洋恐疏防閑恣乾沒嚴其封識深其藏
敢云無欲是至人人生有欲焉得剛母氏
哭兄僅七載六旬加四遂終堂是時予性
褊逾甚閨中不欲裂尺帛即有遺言勞二
媳予婦亦沾粟百石予恐喪費煩二孤謝

却室人交遍謫雙耳消受終不顧經經自
愧無今昔雞廉狼貪世不乏予豈強制沽
潔白究竟不作兩截人既是夷齊非盜跖
傷哉萋菲何遂及生不逢辰可奈何若果
谿壑無厭者有與不取真蹉跎若果錙銖
必爭者生前較量利孰多青天白日遇魍
魎曲池平港遭風波玉顏已老憑垂唾清
貧轉甚任操戈他年面質黃泉下沈寃一

洗淚滂沱

憶昔行自述志感爲猶子入泮作

憶昔方垂髻兄弟兩青衫自意入手易順
風可揚帆一自金臺稱胄子吾兄讀禮潛
東里青雲不接祖武塵黑貂空敝燕山市
光陰冉冉忽十年嚴君鳳閣歸林泉南北
分試俱放黜衰遲謝世恨終天同心摧折
壯心銷鶴鴒孤飛歎寂寥復理征衣向北

去終遭鍛羽墮雲霄
乞得南雍赴秣陵
囊空躡屨獨擔簦
徘徊廿載無知己
依然濩落愧鷓鴣
屈指生平八棘闈
艱難蹭蹬淚堪揮
同學故人多富貴
羨他裘馬自輕肥
憶昔少年長安陌
五侯七貴皆父客
餐傳玉殿味珍羞
酒泛霞觴光琥珀
憶昔長干秬愧工
硜硜得遇丁司空
信果小人何足錄
獨蒙獎拔諸生中
嗟予涉世忽老醜
玄

鬢浮沈成白首
功名已付一大夢
生涯但守千盃酒
自愧生平歲月虛
一朝焚却制科書
三食澹泊欣然飽
清齋不歎食無魚
有子少長雖無奇
誰解我常自教兒
進取有時徒勞爾
阿翁自受還自知
幸有翩翩白眉姪
青衿拜倚北堂膝
熊丸代父苦備嘗
擬報春暉始此日
痴叔撫孤心暗傷
憶昔光陰四十霜
子繼書香兄不見
纔說開

樽欲斷腸

澄江呂荆南家產瑞芝諸名公俱有
作予亦漫成一歌嗣響

吾聞芝種甚多總神草不產深山卽宮殿
甘泉曾作芝房歌其時鄭重宗廟薦泉陵
女子宅生芝太守奏聞天子見堦庭若得
生神草九莖三秀人爭羨呂翁三世擅韓
康積功種德應無美年將逾艾未得雄天

昭靈異驚里閉燁燁堦庭吐瑞徵月精雲
母光燦爛發祥必應石麒麟豈是徒供耳
目玩吾家故事人不知執管聊爲呂翁獻
六十年前學士存西園芝產高六寸得予
兄弟果孳生館傍黃芝從此建縱予偃蹇
信無憑入夢熊羆當左券

辛酉夏諸君紛紛走建業予已棄諸
生耳如不聞目如不見也偶用弇州

公及九友齋歌韻戲成一歌解嘲

留京文光燭牛斗材傑爭先馳恐後驛騎
欣爲聯轡人賢書期作同升友我曾隨例
驅溽暑今年此興忽無有羞挾殘編赴石
頭齒墮顏衰自嫌醜去來不聞飲醇酒童
僕勸駕休開口飲盡輒醉羲皇眠有夢不
躡鳳臺顛江間波浪湧兼天有誓絕登揚
子船畏途空涉多輾軻清夜念及悲沍漣

少年拾芥彼自遇八遭按劔吾何言白首
晚成歲不乏吾已視之浮雲然人猶笑我
太自棄我還笑人不解事寸晷風簷箇箇
酬功名富貴何容易從此甘爲世外人末
路聊完不辱身枕流漱石輕南面耻換丹
陽十丈塵

江南春題自雲林首倡和者甚衆予
亦戲和四章

珠世齋集 卷之三
春半泥融竹生筍風和日暖園林靜群花
燦爛聚群芳雙蝶翻飛競雙影久晴不苦
山齋冷土坼園丁勤汲井紈扇春衫試葛
巾閒行遊屐踏輕塵 雨鳩鳴雨意急雨
不終朝山徑濕時堪行樂還須及新霽乍
添枝上碧世人何事離鄉邑白日常眠清
夜立處世渾如水上萍功名富貴總徒營

其二

種竹惜除當路笋編籬插棘山家靜莓苔
滿地襯殘英蒼翠叅天無日影積雨春深
人怯冷水盈徑滑時平井逢晴各戴紫綸
巾挈榼提壺不惹塵 飲興闌歸騎急綺
陌芳堤清露濕絡繹酒人追漸及圓月一
輪天半碧此時作客思鄉邑翹首江南忘
久立却羨閒溪來往萍多情猶勝枉多營

其三

現世集 卷之二
江南處處春生筍葉足蠶稠村落靜社日
家家多醉人扶歸桑柘斜陽影困人天氣
時消冷風餘三代鄉同井足不履今頭不
巾逍遙一世絕風塵西布穀鳴農事急輕
颺微雨香泥濕秉燭夜遊如不及藉草歡
呼雙眼碧鄉居野趣逾城邑青蔴似竹皆
人立莫言哀樂總浮萍人生易老爲多營

其四

春到江城生燕笋燕子初來簾幕靜祈男
求福競焚香佛寺偏多美人影侵晨結隊
忘朝冷濃粧恐亂爭照井袖藏紈扇伴羅
巾時時遮面障輕塵天晴日暄午風急道
遠春衫香汗濕欲避人窺惟恐及雙眉巧
畫山同碧相逢邂逅忘鄉邑金蓮力軟行
常立自把容光鬪綠萍尋遊次第暗經營
八月晦日夜大雨厥明爲嫂氏生日

現世齋集 卷之二
喜晴如昨歲成一歌祝之
宵來雨濕蓬萊宮今日風光勝於昨溪流
頓增三尺綠樹翠如施一重幕丘嫂今屆
奉悅辰萊綵庭前羨花萼季秋之朔不易
晴連歲茲辰雨不作秋暉更比春暉長慶
日娛親真足樂添籌珠履不速至主勸賓
酬滿盃酌故人封祝挂壁間且頌且期誼
不薄四座讀之手加額共稱珠璣光錯落

碌碌膝下非寧馨還須霄漢魚龍躍他年
二子身致君懸印纍纍綬若若如雲賓從
進霞觴吾爲兒曹主丘壑
閒居雜吟六首

生常遭人口不理爲汚爲潔吾休矣欲俟
論定壽有幾靜看日落復日升惟有清心
澈如水

口不長齋不學禪生來澹泊結成緣却笑

三餐費萬錢有酒無朋吾自飲有時不飲也陶然

出入舴艋疾如箭一蔬一腐稱盛饌飽遲饑速隨吾便天生習慣清苦人畫船狎客吾不羨

我於世局都不合呼盧賭賽如嚼蠟賓朋讐我門無雜身如處女罕見人夏一葛衣冬一衲

去日已長來日短行樂及時今亦懶晨昏一卷常爲伴吾亦不慕紅粉多吾亦不願珠履滿

披髮入山避世局夷齊不必耻周粟何商何周隱何辱身隱無須更出山四皓羽翼終蛇足

西湖遇雪月歌

夢到錢塘便怡悅雙屐湖山快奇絕向來

見月照西湖今來又見兩高雪偶呼刀子
蕩中流晴光閃爍鏡中收四圍萬樹分濃
淡成羣鷗鷺任沈浮雪消日暮華月來雪
月那能兩相遇琉璃世界非人間野夫便
欲離家住

雲陽第五十

伯子翩翩雅好文中年便將筆硯焚塵世
是非耳不污平康花月足不羣量能一石

不盡飲時呼斗酒佯醺醺布衣不願事聖
君藏名不願詞場勲醉後但能學長嘯聲
如鼓吹村皆聞生來不輕就人宿寒暑風
雨歸慙慙桑弧蓬矢半百縣雙顴紅似酒
中仙琴瑟新絲和閣裏芝蘭漸欲滋堦前
有桑墻下蠶稠飽歲寒不怕衣無綿舌耕
未必常餬口孝弟何妨兼力田非我過君
君過我太平行樂當長年白眼看人聊玩

現世齋集 卷之三
世從今永結四難緣

王光祿季良六十歌以祝之

光祿半百俄加十二紀長安出復入青雲
雖自愧科名江左貲郎盡莫及起家曾慕
二千石典客清朝乃進級外吏清廉苦索
米請改金陵近鄉邑旅進旅退謙抑聞浮
沈留署朝儀習居喪哀毀比濬沖名入山
濤啟事中超遷三秩何不可光祿含香禁

近隆帝曰汝良俞旨下畫鷁隨乘五兩風
宮府趨蹌步惟謹錢穀出納胥稱公三年
奏最散官授四署羣寮誰望同雙親兩配
沾榮光鳳誥龍章出未央是時東夷勢猖
狂天子東顧念遼陽大官雍容樽俎耳折
衝烽火需干將世受國恩志馬革小臣安
敢畏羊腸第以三年別桑梓松楸一展赴
邊疆詎料夫君轅始南四衛腥羶不旋踵

方悟天欲全夫君得保功名守丘壟絕意
風塵隱石沙北向再拜辭君寵林間四載
俟六旬自幸急流吾退勇遯思一介被恩
波恭誦綸音雙手捧桑榆優游膺百福兩
頰猶醜鬢還綠五花煌煌未易卜誰能兩
世馳雙沐世間貴郎多碌碌誰能二紀拖
章服皆從開納躡京朝誰能內召由民牧
先達惟聞侯太僕眼前再見王光祿

題芝石百合爲馮冲宇鍊師壽

石不必五岳庭前亦蓬瀛芝不必九莖石
脚亦月精中有夜合花亭亭如玉擎石可
倚兮芝可餐桑滄閱盡獨長生花可種兮
夜可曙彭殤一視等閒輕勿羨驅雞入雲
去勿羨跨鶴緱山行欲御雲車與羽蓋壇
依芝石步虛聲此中大是神仙境何必漁
人前問程桃源何似眼前近笑他劉阮浪

垂名

海虞張心瑩六十索壽

吾聞海虞張叔子翩翩不是菰蘆人世俗
兄弟多既翕惟君友愛得其真世俗炎涼
生汨沒君獨藏輝潔其身泰山巖巖爲氣
象松風肅肅似形神不羨朱門樂蓬戶不
溷紅塵戀綠筠世間萬事皆嚼蠟身外一
切等浮蘋肘有青囊志濟物頭不黃冠號

道民年週花甲髮半鬢飯蔬飲水樂不貧
遺編四壁吾道存獎借後進時諄諄春風
絳帳及吾里論交雖晚傾蓋新

張甥心廣院試偶失意懊惱殊甚歌
以寬之

年少吾伊精力強夙興慣不負朝陽青衫
易着如拾芥自分高飛少鴈行不期乳臭
探囊取舉目同行無伴侶亦圖蓄銳氣似

虹自覺途窮淚如雨勸甥寬懷勿顛顛大
器晚成自有致一朝知己雙眼青英雄必
不終棄置

玩世齋集卷之二

玩世齋集卷之三

梁谿華師召公保甫著

五言律詩

南陽晚眺

津亭一晚眺野色倍蕭然風靜波還疾舟
停帆尚懸荒原餘返照茆屋結炊煙不見
南來鴈鄉心空自憐

夢中偶作明妃出塞詞有紅顏未老

去綠鬢不生還之句曉起因足成之
蛾眉不可贖空自恨春閒暫入長門裏常
畱沙塞間紅顏未老去綠鬢不生還馬上
琵琶調聲聲入漢關

連泊濟上夜苦不寐述懷

津亭已信宿兩聽曉鐘殘計拙心猶壯愁
多夢不安淒風霜氣肅暮雨水聲寒年少
添秋髮方知世路難

彭城以北不百里而遙薄暮風順流
急千帆爭道並進把酒大笑客苦盡
消漫紀一律

揚帆出湖口直下古彭城岸闊浪痕碧天
寒山影清平沙含暮色遠樹助風聲對酒
渾忘醉陶然無客情

泊下邳懷故鄉

破浪馳歸路勞勞身未安輕舫甘自苦市

現世齋集 卷之三
酒強爲歡月挂孤城白風鳴萬木寒故園
消息杳誰念客裘單

河西驛阻風和泰初韻

春殘投北冀秋暮復南征宿雨淹孤枕長
風入五更酒深離思發夢斷客愁生千里
難爲別何須問去程

留別顧泰初

同作他鄉客追隨月正圓君猶滯京邑吾

已返林泉聚散何無定寒暄又隔年故人
分手處雲樹阻遙天

聞泰初臥病京邸寄憶二首

天涯多病客春仲始相聞爲憶郢中雪常
瞻薊北雲風塵甘自老花月未應分不謂
更寒暑猶然離故群

故人輕別去三載未言還況以索居歎兼
之伏枕聞薊門成白首梁苑負青山何用

浮名累婆娑車馬間

雨後西園晚集

拋卷偶乘興時穿竹徑傍微風吹晚霽細
雨散輕涼更喜烟光淡還憐花氣香山童
攜酒至留客話匡牀

嘲黃道士還族并寄其師顧泰初

塵緣應未斷長嘯別西林忽起纏綿意難
持松栢心白雲徒縹渺黃鶴總浮沈惟有

空壇在蒼苔已自侵

十年空說法終是繫凡身忍負山中月潛
從花外春煙霞虛舊隱衣劔滿緇塵寄語
遊燕客能無離思新

夏日同張池水公兼兄遊惠山分得

泉字

欲消長夏日同試九龍泉樹遠含初雨雲
低結暮煙峯巔雙塔聳石畔一僧眠不盡

登臨興言歸思渺然

除夕

江村除夕至稚子共欣然臘盡寒猶勁春
來花未妍燒燈延暮雨把酒別殘年骨肉
成歡會椒花次第傳

清明湖上掃墓

綺陌清明節輕舟西復東村村逢祭掃處
處見兒童楊柳含風細桃花醉日紅流連

湖上墓歸棹暮天空

泊毘陵夜雨

月暗辭家日燈殘罷棹時有人同對酒無
客共論詩雨氣增蕭瑟風聲重別離故鄉
從此遠欲去更遲遲

晚過東阿道中卽事

跨馬經齊地輕雲淡落暉村村邀客宿處
處荷鋤歸塵帶疾風急人因過嶺饑炎天

兼不雨暑氣透征衣
兼呼酒聞鴈
長途多寂寞須爾托沈冥
夢裏浪花白樽
前柳葉青興無十日
飲愁怕半時醒獨有
哀鴻唳聲聲厭客聽
武城縣懷古
扁舟過武城一望自含情
不見弦歌宰空
傳禮樂名村稀風尚古
地僻水常清借問

茫茫者何人是滅明

立冬日夜泊湖上

秋從今日盡便覺客衣單
野曠寒偏早湖
平水自寬燈因人靜滅香
以夜深殘隱隱
沙前鳥清霜結羽翰
檢曆知冬令蕭條客自寒
身羈流水畔心
越凍雲端月白愁風起
霜濃怯夜闌江淮
雖在望翹首尚漫漫

現世集 卷之三 六
小春日連泊清河驛次壽卿韻

信宿津亭暮風多聲自哀千帆皆北向孤
客獨西來水漲平沙隱城低落木迴梅花
思故苑相對但徘徊

暮春望日謁玄帝值顧泰初講經

偶過碧壇下風傳法鼓聞繡幢含積雨高
殿出晴雲松亂濤聲細經翻香篆分忽看
孤鶴下雙翅護龍文

春雨獨坐

三月春光暮晴暉日日賒雨深苔色潤笋
露竹枝斜掩卷聽啼鳥焚香數落花杜門
無俗客泉到自烹茶

壽卿久病詩以問之

秋老猶多病閒窻生事稀藥嘗無剩草骨
瘦不勝衣調息聽歸鳥移牀對落暉同心
念眠食夜夜夢魂飛

故人常伏枕白日掩荆扉獨坐連朝暮閒
吟無是非草深成藥圃水落出漁磯自得
逍遙趣知君悟息機

朱三子魚移家江北詩以送之

去年成獨往此日定移家因有湖田樂寧
辭江路還離心隨北鴈別酒對春花握手
情無限津亭日易斜

冬日偕公兼兄馮子長竟日小飲大

西閣次公兼韻

新寒上敝裘客至喜尋幽詩思因狂發閒
蹤爲酒畱聽風獨對竹話雨共登樓不覺
諸天暝能消萬斛愁

逼除一兒一女出痘俱吉志喜

軒冕尋常事趨庭足自娛蒸嘗從此托婚
嫁不須虞彭澤慚猶少襄陽恨可無半生
孤矢志今得撇妻孥

麗日却奇寒拋書午夢安歲時驚欲改兒
女喜相看吾計粗云足身謀暫可寬年來
不得意賴此慰眉端

余兄弟年已三十牢落不遇元旦漫

成

三十今朝是驚心鬢欲斑人憐雙白壁自
愧共青山佞佛聊清慮拋書暫乞閒最憐
當此日相對掩柴關

流年如浪轉壯志已蹉跎頭角夢中換蒼
顏鏡裏多春光猶黯淡燈火且婆娑暫擲
人間事陶情金叵羅
身拙年逾壯佳辰強作歡寒暄愁裏過花
月靜中看對客心常懶翻經典亦闌椒盤
不須具兒女慰加餐

送愉梧弟北遊

北路不爲遠間關我熟遊遙堤多臥柳極

浦半眠鷗一水燕吳合千艘日夜浮送君
出江郭離思恍疑秋

冬日偕性甫子長公兼兄過古松上

東林禪院

偶乘風日好結侶叩禪林門借青山對溪
因黃葉深翻經開覺性跌坐息機心愛此
無生境淹留到夕陰

索居書懷和公兼兄微字夢中對茶

春光猶未遍已見梅花飛守拙雄心減縈
愁病骨微獨嘗新歲酒惟掩舊時扉殘雪
寒仍在攜書擁素幃

清明掃墓奉政公墓悼先秘書

今朝來祭掃悽愴對蘋蘩驟感傷心序難
禁淚眼昏塚邊不哭祖泉下爲添孫烟雨
迷歸浦還家欲斷魂

先秘書棄世之冬卽葬明年忌日哭

墓

此日來瞻壠臨風雙淚垂煙迷郭泰塚雨
濕蔡邕碑越禮由人說傷心祇自知一丘
三尺土無路可追隨
帶雨駕輕舠長號薦濁醪路從新水入塚
對舊山高草色已成染松聲未起濤追思
捐世日經歲棄兒曹

和公兼兄得子詩二首

初日照臺上傳呼鳳舉雛人皆賀千里吾
亦贈五銖瑞氣充閭室祥光映槐榆前身
是居易七月識之無

春社逢懸弧賓朋日鞦韆庭前一枝玉櫪
下千金駒乳燕曾空壘鮫人已得珠日斜
桑柘影猶自倒清酤
拙圃早起

林居偶早起蕭然似巖阿朝霞映高樹清

珠世齋集 卷之三
露滴垂蘿庭曠秋氣爽地幽蟬聲多厨炊
新黍熟有客來相過

贈惠上人坐關竇園

飛錫偶停此居然一遠公命棋清晝未說
法世情空旛影疎簾外經聲細雨中逃禪
吾意合聯榻聽松風

秋日訪古松上人竟日聽經同公兼

兄賦

共愛禪林靜尋僧啟竹扉聽經塵慮滌鳴
磬蟬聲稀古木陰猊座壽藤縈客衣支公
能說法吾意欲忘歸

霜降日掃先祕書墓

檢曆霜初降悲傷轉自深倍增今昔感益
動歲時心慘淡寒風咽淒涼白日陰吾生
有真痛腸斷不能禁

感時來祭掃爲報九秋殘衰草青猶在新

碑墨未乾惟餘千載淚空對一丘寒錦樹
郊原色蕭條不忍看

嵩麓叔翁花譜成却贈二首

小堂常對客無日不花開曾負干霄志難
忘灌莽悲開畦乘雨歇荷鋪趁晴來隨意
莓苔坐臨風醉幾回

涉趣門雙掩棲遲竹裏亭芝蘭盈野砌紅
紫遍閒庭鄉不推豐樂人能號獨醒願空

諸色相開謝付沈冥

哭王氏亡姊四首

憶從燕市返相見每歎歎祗爲孤親舍頻
過兩弟廬如何一病實竟使百情虛地上
多難割芳魂愁未除

弟也爲叔後齧年迹小疎殷勤同室舊

不肖

兄弟幼同姊養
馮太孺人房

聞問異居初廿載多賢譽

三遷失故墟芳魂招不返灑淚濕衣裾

乍遭司氣戚不覺淚縱橫佞佛資來世攢
眉盡此生病中疎問訊死後倍傷情從此
城南路淒涼不忍行小和題蓮回室書
無年人亦有獨爾不應亡口絕肥甘奉衣
無羅綺香養兒猶未室爲婦已終堂話到
悲傷事難禁涕淚滂亦和題蓮回室書

奉祝省初叔翁初度

歲歲逢初度筵分五日餘邀賓浮琥珀揮

塵聽瓊琚雨歇鶯聲換風來竹影疎逍遙
觀稼罷醉枕半牀書和題蓮回室書

和壽卿上巳獨步拙圃韻

元巳雨初歇春衣試已遲下帷忘禊事閉
戶畏人知乳燕巢新閣餘花戀故枝孔璋
詩句好獨不負良時南豐文獻公詩

偶記唐句再次韻一首

園林愜幽賞勝事許誰知鄰客攜筇早主

人遊屐遲燕來尋舊壘花落長新枝陳跡
俱銷歇流傳脩禊時

余以丁酉黑貂南還夜遇 先祕書

於毘陵道中屈指計不經此道四載
矣今復下第還泊此橋下追思往事

不覺淚下沾裳志感

遊子南歸夜衰親逢路岐孤舟依舊泊雙
淚忽新垂波撼愁難遣霜飛鬢欲絲寸心

追往事入夢轉淒其

吳江夜泊

孤航偶然泊正值驟寒侵小雨滴流水淒
風喧枯林雞鳴人自語香燼夜初深一卷
消岑寂挑燈伴獨吟

上天竺山

肩輿成獨往佞佛且躋攀僧向亂峯出樵
從峻嶺還女桑盤路曲清澗繞田間漸入

白雲去吾乘此日閒

湖上訪西溪上人

尋僧湖上寺僧老喜談玄石磬松齋裏蒲
團繡佛前波光入樓碧山色映窻妍吾亦
逃禪者因之借榻眠

蔣仲龍抵都門

相逢是初夏話舊已新秋萬戶砧聲動千
林暑氣收家書憑客寄鄉淚爲君流翠滴
西山色閒將續昔遊

往湖上經兩猶子葬地詩以哭之并

哭亡兄

汝父曾經此生前涕淚餘繼歸泉下路其
棄世間廬雙塚荒烟暝空林白日虛同胞
惟我在舉目倍歎歔

奉主歸浩然堂追思往事雙淚難禁

志感

珠世齋集 卷之三
昔日論文地今朝奉主依
雙扉依舊啟孤榻已成非
神或憑風返身難逐弟歸
恐傷慈母意輟哭淚沾衣

長干寒食

帝里逢寒食王孫滿路傍
席隨芳草設歌趨夕陽狂
嫩柳金爲色佳人錦作粧
禁煙僧舍寂高臥自義皇

雞鳴山寺春暮

山居風瑟瑟春暮復裝綿
竟日眠孤榻移時手一編
別人不計月作客欲忘年
酤酒金陵市陶然望遠天

思家

共說春光好其如客況何
山蒸雲氣濕樹迥暮煙多
燕語迎風細鶯聲帶雨過
故園花似錦歸計已蹉跎

自恨

造物如無意胡生竟不辰衆多誇琬琰吾
自愧璘珣簪紱誰堪繼鬚眉豈負人何年
一振翼回首笑沈淪

穀雨登太平門城上野望雲氣蒸樹
穀雨逢初霽枝頭嫩綠生青霄明塔影深
樹亂鶯聲山翠疑屏列湖晴似掌平春衣
今乍試偏稱午風輕

清和雨霽

清和時積雨人喜乍晴天草色侵堦碧山
光映戶妍溪頭添綠水樹杪散輕煙不必
探幽去芳菲滿目前

施東槐從吾鄉返長干談家園風景
不置因賦

野老下長干來言故苑歡江魚初入饌芍
藥未辭欄雨潤苔生滑風輕麥秀寒心閒
當此日不覺酒腸寬

初度日得芍藥侑觴遣興

名花來異種偏與客相宜
偶值懸弧日而逢把酒時
色垂涼雨重香帶晚風吹
相對渾無語清真趣自知

清和驟熱夜見流螢

大火先期至流螢傍草飛
蚊聲喧竹榻暑氣薄羅衣
揮扇燈花落科頭酒力微
故園銷夏適何事未言歸

早行赴部送表

肩輿出山寺徑滑露華侵
鐘急知村曙燈稀覺樹深
亂蛙喧草際殘月映花陰
漸入冠裳會惟聞鳴玉音

清和小雨晚涼

清和逢乍暖小雨卽生涼
雲淨遠峯碧風停細草香
琴書聊自適巾幘漸相忘
散步松林下輕雷送夕陽

端陽前一日風雨

五月逢時雨城陰山閣寒
隣僧惟對奕獨客慣凭欄
草色侵書案涼風逼鷓冠
平安書乍至今節慰加餐

夏至夜涼聞蟋蟀

溽暑時方至風吹兩袖涼
螢光稀入戶蚊影不穿裳
尚可頻更燭偏宜獨舉觴
坐來聞蟋蟀秋意滿匡牀

久客思歸

三月金陵客還家計轉遙
薰風閒裏過長日靜中銷
山色供吟詠蟬聲破寂寥
思歸望河漢乘露立清宵

贈修菴上人

湖邊半畝地開士結菴居
詩有惠休句腕宗懷素書
談經先五誡捉麈度三餘
久有叅玄癖禪機幸起予

端陽日追思公兼兄已亡三載

空齋逢五日抱膝自孤吟
意態隨年減悲傷逐歲深
探符聊狗俗薦黍獨關心
蒲酒沾脣後難禁百感侵

鳳城南暨北茲日兩曾經
自笑身如寄誰憐我獨醒
陰風增落寞小雨入沈冥
試讀三閭賦令人不忍聽

里居當令節轉憶昔年期
已自虧雙壁無煩續五絲
細君頰索扇穉子解呼卮
獨感連枝者追歡更屬誰

三載傾蒲會何勞問有無
感時眉便結遇節興常孤
村舍爭懸艾兒童記佩符
願將長命縷私祝繫雙珠

夏夜偕諸君集團中曲水次陳性甫

韻

客來皆岸幘情洽迹相忘
曲水供環坐幽

花佐引觴日斜添竹陰風散覺荷香高樹
鳴蟬在爭先噪晚涼

棘役報罷自傷四律

獻書五不報老大未成名南北隨身歷炎
涼到處更青雲足下遠白雪鬢邊生天意
高難問悲歌淚欲傾
誰云否後泰祇恨數偏窮歲月牢愁過乾
坤骯髒終齒增寒燠改身賤死生同慘淡

羞開卷情懷似夢中

百感縈心緒窮愁涕泗連母衰疴未起客
久橐先懸不寢清宵立無聊白日眠人生
何太苦一遇似登天
造物無情甚沈思欲斷腸讀書心未了接
武意難忘猖獗多豺虎翱翔愧鳳皇閒庭
獨徙倚夜爲一人長

人日渡江兼簡談叅軍

人日出江東扁舟破朔風江脉時隱見浦
 樹遠空濛湖湧浪花白沙飛日色紅參軍
 如有意敢借一艖艚
 雨後新霽確山道中
 雨後登山路褰帷空翠生白雲籠薄雪晴
 色射孤城樹以含煙綠蹊因瀉澗盈峯前
 一立馬頓覺客愁輕
 雨雪後買舟下湘江

欲避崎嶇路湘江一日程青山銀作障碧
 水玉為聲寒色凌風急晴霞傍晚生翠峯
 回首處猶未見崢嶸
 哭比部叔祖三律

忽接江干信親知涕淚懸活人遭減笑種
 德反無年昭代亡循吏吾宗失大賢多情
 鍾小阮追念更潸然

廿載科名舊清勤徇此官人亡琴韻絕月

珠世齋集 卷之三
落夜光寒尊寵行千騎淒涼返一棺那知
數奇日勸駕是愁端

桑梓心留戀王程動別愁何期小草出竟
作大羅遊萍散千秋隔蓬飄萬事浮長江
東注水宿從淚同流

虹帶樓看雪次蔣仲龍韻

六出豐年瑞飛花滿四郊瓊山天際列琪
樹望中交斗酒高樓會園蔬上客肴狂來

吹玉笛梅欲綻林梢

復予別館不勝悵然次韻奉酬

論交逾廿載意氣每相看自信久要易翻
嫌乍別難吟風心欲共對月影成單歲晏
空齋寂蕭條一鷓冠

人日行園

新年多淑氣人日更晴光草色堦前覺禽
聲樹底藏雪殘添土潤風暖助梅香稚子

行園侶歡呼到夕陽

穀日喜晴擬訪古松上人偶次弇州

公集中穀日詩韻

穀日晴偏好江村事事宜將如掩關約預
擬訪僧期小酌清齋適閒吟斗室私春光
催柳色漸欲上青枝

除夕偶記杜詩四十明朝是書懷

四十明朝是攢眉對酒醺風波隨臘盡老

少逐年分落魄嗟青鬢傷心望白雲池塘
春草句惆悵不堪聞

四十明朝是牢愁度半生填箎傷寂寞矛
盾任縱橫送臘詩先就迎春燭屢更分行
兒女侍堂北不勝情

七夕立秋

年年當此夕鵲駕未曾虛秋入佳期好歡
生良夜初金風動銀漢珠露滴瓊裾乞巧

懷紈扇吾甘拙且疎

新秋園居十律

園居當暑退正與懶相宜
開卷清陰過披襟白日移
桐花掃更落雨意歇還垂
人說山中靜山中未勝斯
偶讀玄經罷清齋當午歿
時因蝴蝶境每度鵲鴿原
獨鶴窺人舞殘花觸鳥翻
忘機卽淨土終日復何言

園林供偃蹇散髮對前楹
燕坐花能笑閒行鳥不驚
天空清籟寂山靜俗緣輕
墻外農歌起吾將學耦耕
向天坐愛雲谷耕鑿
環聊謝客玩世厭逢迎
啜茗看雲度焚香聽鳥鳴
陰晴時屈指榮悴不關情
臺畔疎鐘在清機扣數聲
飄然半響前創想
琅玕新沐雨亦足助秋容
蛛網時聯榻蟬棋在隔峯
琴書隨意適巾幘任吾慵
經月

現世齋集 卷之三
無人至蒼苔一徑封
爲園不在廣聊喜傍吾廬涼燠無時間晨
昏可自如莓苔滿虛牖蟋蟀響前除勝事
無人識幽懷八案餘
掩關交欲絕物候靜中更爽氣欺簾入涼
颺逐慢輕閒吟欣得句兀坐凌逃名散步
窺盆盎芳蘭處處生
世途多齷齪閉戶學書淫八上琴樽滿窓

前薜荔深遠峯藏密竹新月印重林自得
悠然趣誰能識我心
知希成我貴半畝避人深未具峯巒勝偏
饒竹樹陰科頭送落日調息數鳴禽童僕
晚來散村醪且自斟
久懷中散癖偏與故人疎澹泊如僧供清
閒似客居詩篇倦來興盃櫛靜中餘不問
升沈事休言薦子虛

現世齋集 卷之三
三
秋日有懷金陵諸友寄孫本旌

建業滿時才皆稱獻賦來笙歌桃葉渡詩
酒雨花臺秋思涼風發雄心爽氣催仲謀
江上別何日共啣盃

本旌復遭按劔詩以邀之

掄才誇建業車轂湧如流予謝未能赴君
歸不可留蕭疎青雀雨寂寞白門秋空館
篝燈在殘編遲爾抽

除夕言懷

兩慈俱瘞玉五載獨居廬齒益疴隨益年
除哭未除愁腸縈半世壯志負三餘春至
饑難療園蔬帶雨鋤
蕭條惟斗室獨坐送殘年婚嫁千金散歸
依一念墜燈前悲斷鴈天外羨飛鳶怕說
明朝事屠蘇最後傳

元日卽事

現世齋集 卷之三
歲作太平人衡門物候新晴光凝乍暖旭
日麗初春士女爭尋勝兒童試採蘋杜門
惟讀禮餘涕尚沾巾
聽雞看曙色歲月自關情梅綻春先洩風
和鳥乍鳴一爐供酒茗萬事付棋枰排悶
裁詩句幽閒筆底生

陳壽卿卜居橋東索贈

北垞棲遲久橋東更卜居青山仍傍屋綠

水自環廬興到朝傳彩閒來夜讀書相過
欣咫尺休遣故交疎

新水溪流漲移家正及春醉醒千變局去
住一閒身避世何妨拙謀生豈爲貧窮交
今有幾杯酒莫辭頻

春來情緒鬱結度日如歲意之所觸
拈筆記之漫成五首

晴旭閒窻滿貧窮百感生淒清時欲哭寥

落日含情對食吞還吐銜盃醒似醒逢人
強瀟灑無計破愁城

日日雙眉結朝暎到夕陽明知無益事難
撇有情忙病減微天幸囊空祇自傷將師
赤松子辟穀是良方

黃金揮盡後剩得一身輕裹足青山遠驚
心白髮生匡牀供兀坐斗室當閒行拒客
非吾意無聊懶送迎

自分謀生拙年來適隱居時將貧徹骨日
漸食無魚痛惜罇罍罄空嗟堂構餘稚兒
能習讀惟有一牀書

人羨妻孥樂吾私祗自悲寒暄聊獨覺眠
食更誰知幸有蒸嘗托無煩伉儷思鍾情
雖我輩豈是爲蛾眉

雨後新霽園居

鳩聲驚伏枕何事困幽棲好雨三時足新

禾四野齊開軒涼氣入散步綠陰迷佐酒
惟園笋頽然日已西

刻亡兄公兼遺稿并乞周太史賈大

行叙文

殘編遺十載展卷淚雙流得句千秋擅成
章七步收辭堪幼婦擬名藉故人畱副墨
山藏少咸陽炬莫投

輓本素叔侍御三首

天禍吾宗秀同心涕淚沾朱顏忽成老紫
氣杳難瞻六載循良吏三年柱史銜可憐
堂北痛屬續未離苦

讀禮俄經歲居廬死孝身乘驄空有夢馭
鶴已成真人惜簪纓謝吾悲肺腑淪城南
來往路一度一傷神

花縣分符久甘棠兩地陰官因清節達病
以孝思深勛業中途阻才名半世沈風流

一時盡誰不痛人琴

述懷

點檢人間世生涯事事非讀書頭半白售
產業全微婚嫁時難畢親朋交漸稀欲拋
塵土累佞佛喜皈依

東園宴客

爲園似辟疆行樂每飛觴安石當年勝平
原此日狂燒燈欺皎月結客滿迴廊二笑

誇能具無煩苦夜長

由天竺抵六橋二首

晨起趨三竺乘閒過六橋千峯翠若滴萬
界迥疑遙柳色含晴動梅香傲雪飄此中
堪避世吾欲老漁樵

探幽偶乘興暄氣愜遊情粉堞如屏列晴
湖似掌平松杉生翠薄鷗鷺點波輕應接
眞無暇身從畫裏行

武林道中

武林十日棹來往喜晴光氣暖疑春至風
和覺晝長爐香供宴坐杯酒任清狂夜夜
停舟處鳴榔月似霜

姑蘇道中

自苦家為累移舟避俗緣乘閒親藥餌隨
意入雲烟啜茗舒長嘯拋書任晏眠暖風
與晴旭恰似早春天

吳江抵嘉禾卽事

朝經松陵驛暮宿嘉禾城漁艇時相亂鷗
汀晚乍驚村前空翠結水際薄寒生斷酒
宜持戒愁懷畏獨醒

無人小雨新涼虎丘晚步

初涼偶蕩槳小雨愜登山片石淨於洗孤
峯翠可攀泉清僧鬪汲寺暝客爭還獨倚
閒亭望松頭月一彎

長至夜舟中

自嗟長至日何事遠林丘
夢與浮雲度心同逝水流
愁沾客肆酒寒進木棉裘
此意無人解蕭然欲白頭

長至舟中

孤舟逢節序風急振枯林
冰合一溪水雲含萬嶺陰
縱無兒女態自有歲時心
開卷銷岑寂焚香坐夜深

秋日風雨獨醉斗室戲題

斗室容吾膝青雲眼欲空
關情黃菊畔適意綠樽中
足裏何嫌雨耳聾寧厭風
君公小隱似原不學墻東

謁李本寧年伯於金陵還楚後補南

奉常不赴擬寄
久感通家誼金陵始識荆
但償前草草豈敢附嚶嚶
子弟承傾蓋文章服主盟
奉常

何足重金馬舊馳名益次竟亦主盟表

冬日登臺獨眺卽事

晴霽冬將半登臺看日斜天空明遠岫葉
盡出平沙塞鴈高排字海棠疎着花銜盃
無別事村酒趁童賒

聞役田爲難渠魁老斃

義舉應磐石元亮已幸除廿年煩口舌二
死靜村墟蜂螫今何在風波始晏如鄉人

安枕卧豺虎漸無餘

過湖上希愚見約夜坐卽事

東泛乏知己相期惟有君風平湖易渡酒
美手難分獨至原無侶相逢自足羣夜深
復放棹雪意釀同雲

福性自知獨經年只閉門琴書猶覺累盥

櫛尚嫌煩興至掃石面閒來坐竹根風流

任人占不願學平原
 讀彥吉學憲表兄新集
 著述隨時富名流海內
 傳探奇增妙句為圃益
 高篇文苑專無輩詞場
 獨有權駸駸逾七子人
 不可無年計時致自
 攬鏡吾何憾難辭鬢上
 絲儘堪丘壑置何必市
 朝思實境惟老圃雄心
 謝小兒笑人

忙不住日日染霜髭

邂逅郡丞兄邀至芳園賞臘梅即事

城南得邂逅芳苑步因移樹徧黃金色主
 饒白玉姿名香篆滿屋佳醞綠盈卮天曠
 淹留久歸途不厭遲

玩世齋集卷之三

玩世齋集卷之三

...

...

...

...

...

玩世齋集卷之四

梁谿華師召公保甫著

五言律詩

皂林道中曉起

曉起推蓬坐寒威薄客衣雞聲人語雜露
氣曙光微宿鳥驚帆散眠鷗覺艇飛靜思
浮浪者何日得忘機

林道中失意書懷

秣陵不得意歸臥北山窩壯志銷書幌閒
情托薜蘿臨風嗟落窻對景感蹉跎駑馬
雖堪策吾衰可柰何
園中有老松一株移植廿餘年忽爾
枯死詩以唁之

移來幾廿載愛爾愜幽衷盤錯根猶在婆
娑態已空色枯難傲雪枝禿不篩風一段
孤貞意都消骹骸中

三徑荒蕪甚盤桓撫此松忽孤彭澤興遂
謝岱宗封沐雨珠無綴過雲蔭不濃還期
得種子昂首便虬龍
早課日晚園中散步
日落風微動園林覺爽然苔枯階面積葉
瘁石根填頂露雲為蓋童扶杖是肩恨無
濠濮境徒倚小橋邊

黃日納涼

竟日苦煩暑宵來喜得風受涼依灌木怯
露傍疎桐客散交疑絕詩成句愧工微聞
歌管度彷彿在墻東
望雨不得
旱魃久為虐那能望有秋雷聲時隱隱雨
意日悠悠閒結栽花累貧無歛稅憂園丁
私自語半月未聞鳩

喜雨

病暑兼憂旱高林雨乍懸綠回三徑草紅
入半池蓮濕靄蒸巒氣涼風散晚烟當軒
成獨酌不醉亦安眠
新秋黃伯弘邀飲秦淮舟中
畫舫逢賢主秦淮共拍浮笙歌盈兩岸紅
粉隔中流雨散千家暑風生萬戶秋別來
新月上砧杵動鄉愁

憶猶子就醫吳門

念爾經時病尋醫暫出關帆開風拍岸門
倚日銜山癡叔添華髮慈親損玉顏料能
嘗藥餌旦晚霍然還
過約不返再用前韻憶之
已過三日約尚爾滯吳關豈是緣尋藥因
之轉入山想除經歲疾應復舊時顏早起
聽簷鵲聲聲報汝還

秋夜乍涼

露頂松風下新涼散滿庭微雲遮淡月輕
電閃疎星螢影窻前暗桐陰屋角青悠然
適無事獨醉未須醒

壽卿五十初度有詩言懷即步原韻

贈之

百歲今方半韶顏轉眼過秋光盈斗室爽
氣襲庭荷老至忘長歎貧來喜浩歌一盃
聊獨壽微醉影婆娑

乍逢年五十桑梓久相依筆底青山出詩
筒白雪飛欣添來日永知少去時非繞膝
成歡聚涼生喜落暉
半百懸弧日閒情賦遂初時因遊興劇偶
與故交疎尋樂人方羨長生事豈虛樽開
湯餅會不醉欲何如

壽卿有詩見投自感次韻
兒童俱老大歲月隙駒過招隱慚叢桂衰

容感芟荷閱人皆似夢寓世總如梭誦爾
知非句開顏一醉歌

同陳壽卿雲陽弟放舟由九龍峯入

山次韻紀興

放棹偶乘興聊偷半日閒青松隨作障綠
水自成灣共入雲邊寺欣看雨後山徘徊
不覺暝月上未須還

秋分日入山陪祭祠卽事次壽卿閒

字

登臨先蠟屐偶試覺心閒秋半樹猶翠雨
過苔自斑琴樽攜畫舫俎豆設青山對此
欲遺世超超日暮還

十五夜同諸公坐月次壽卿光字

萬里共清光年年獨草堂無舟堪載酒有
客可傳觴月向今宵滿歡偏此夜長醉來
天地失白眼縱踈狂

十六夜同諸公坐月次壽卿明字是

夜壽卿以疾不赴

樂事逢秋半連宵皓魄明坐無絲竹溷人
有玉壺清金粟香徐入瓊漿味漫傾孟公
期不赴隔水正含情

月下同雲陽希愚諸弟酒後散步至

資敬觀次希愚韻

踏月林西去玄關夜半開壇前狂客集松

下老僧來旛影飄神壁茶烟裊石臺清歌
喚殘醉漏盡侍兒催

堵氏姑改葬孔山至是凡三遷矣仲
冬往拜墓上有感

一丘方十載更葬亦何為蟄蟄詎能定茫
茫安可知山高鴻度少松亂鶴歸遲再拜
看新塚臨風祗益悲

贈金獻伯移居

卜築離塵遠幽居愜隱踪門前一灣水屋
角萬株松傳綵山當戶攤書日下春故交
村落滿隨意便攜筇

侯甥伯遠餉湯太史書扇敬亭茶

春盡江流急宣城返不遐
筆題供奉筆箸
裏敬亭茶懷試清和日
攜看穀雨花孤雲

高鳥句 太白獨坐敬亭山詩 神往羨才華

初度日追悼亡兒二首

五十桑蓬日淒涼萬念輕籌添何足喜玉
折不勝情對客言時咽持杯淚欲傾若能
忘缺陷惟有學無生
懸弧湯餅會此日獨愀然慶子先蘭槁衰
翁尚瓦全無心聽三祝有淚滴重泉因歎
人間事那能歲歲圓

題景梧兄園次希愚弟韻
園成不在廣芳草亦堪眠宅借南爲障林

藏翠作煙池深魚戲數亭敞月來先自得
逍遙趣炎涼肯受憐

三徑荒初闢中年雅稱心門開賓客至苔
破鹿麋尋適意多磐石科頭有竹林知音
得山水按曲和鳴禽

未辦擬棄諸生故業盡以制科書付兒子
暮則不覺怏怏半日旣復自快也偶得四

律

造物容吾懶生涯世儘多崢嶸興已矣遲
暮恨如何雞肋無妨棄羊腸却盡過青雲
未繩武終是愧蹉跎
世棄君平久貂裘敝索居飛揚空有志樵
悴竟如初身外吾何戀人間目可舒荒齋
棊几在已絕制科書
驅馳歷南北羞殺老江東懶病甘焚筆迂
疎但責躬漸看頭似雪虛負氣如虹不盡

長干路神遊在夢中
囚首經生事從茲永息肩非關嗟骯髒聊
以謝塵緣書付兒曹讀身歸釣艇眠榮枯
了不涉時展養生篇

猶子吳試小捷雷雨送之入吳卷

賈客部鄭四府嘉賞

小試金閭捷朝來鵲噪知憐才賈太傅好
士鄭當時雲雨飛騰助風雷起蟄資吾門

久寂寞聊為一舒眉

夜雨憶兩猶子入吳

兒女縈懷抱那能事遠遊雄心付盃酒涼

氣怯衾裯簷溜滴殘夢蟲聲醒別愁風波

行處慎憶汝各扁舟

猶子寓舅氏宅讀書倏已匝月以詩

寄之

聞汝讀書處樓居避客踪清風閒便入新

月久初逢夜就東牀寢晨聽北寺鐘不妨

長坦腹歸棹且從容

續宗七十初度索贈

薰脩依小閣貝葉滿繩牀客至聽能展僧

來宿不妨納涼松韻細出定荳花香七十

尋常臘山空久自忘

和雲陽苦經催韻

催科關國賦輸納敢辭辛第以業儒者難

同往役人欲寬敲骨累已竭典衣貧妻子
空相向誰憐淚滿巾

題弱梧兄園亭次希愚弟韻

西園距東壁勝借綠陰遮坐有長留客庭
多不謝花風涼歌白苧日暮擁朝華鼓吹
能銷夏池塘處處蛙
書永門雖設惟容二仲來忘形無盥櫛適
興有池臺午夢幽偏熟籬花晚自開獨醒

聊任主賓從潑金醅

哭孫三律

三年忻得汝萬事已相忘詎料歡娛暫翻
成寂寞長慈身傍疇倚父祀藉誰將亦解
悲無益其如欲斷腸
天道與爲善茫茫未可親一翁遭慘酷兩
世接沈淪禍極惟思哭悲深畏見人新霜
添短鬢零落向誰論

悼兒無半載雙淚復傷孫念及心常折悲
來聲欲吞晨昏疑汝在衰病愧吾存怕入
庭闈內淒其只閉門
寄廣陵遊擊張將軍

廣陵分閫重日擁水犀兵劔指妖氛靜威
行海氣清江南依保障薊北恃干城鈴閣
輕裘坐時聽鏡吹聲

送黃甥伯玉遊秣陵

故園叢桂發送爾秣陵遊衛玠人爭看潘
安果競投三山當几案六館富朋儔却羨
秦淮月風光恰半秋

月夜攜酒步月林西猶子從金獻伯
家攜酒亦至合飲

林西成邂逅坐月暫盤桓僧病茶因緩盃
深酒未乾無緣長夜樂聊合片時歡後會
應難卜休教興易闌

中秋前二夜與王光祿各攜榼山中
同堵氏兄弟酌

山中連日至偏喜故人親爾我俱稱主盤
食合具陳醉來忘宇宙談劇出風塵後夜
如輪月還期發興新

中秋夜虎丘獨步

勝地逢良夜風光滿日新月懸澄皓魄雨
過淨纖塵有石皆歌妓無舟不酒人獨遊

吾意適莫笑阮生貧

中秋後知白表弟來浩然堂坐雨

昨共月中棹今同丙夜觴清言嫌燭短細
酌喜更長雨急青松暗風生白苧涼醉醒
俱合調形跡已都忘

秋夜偕諸友小集適猶子從武林還

攜郭生來同席

郭生善吹簫

不乏銜盃伴牢愁消欲無密雲含積雨紅

燭照清醑乍得吹簫侶頓成傾蓋徒半酣
談劇罷聽客說西湖

送金重珍遊新安

寒具滿奚囊書成載野航妻加綿作伴兒
趁畫爲裝家近風波穩秋深霜露涼齊雲
吾有約今愧別行藏

兩日邀客岑華堂賞桂

簷前金粟放晴雨總相宜不必升高望無

勞蠟屐移堂空能受席花近好傳卮爲具
山厨薄天香供客饑

桂花前同無炫丈孺初姪雲陽弟次
兒俊伯小集雲陽急歸落句畱之

宴客妨除酒看花廢掩關積陰香未散障
日色堪攀促膝行杯急清談得句閒淹留
期秉燭薄暮不須還

喜侯甥伯遠來酌殘桂前時金粟已

滿地矣

慶婿攀花手花畱待至今餘香飄上席殘
色戀空林歡笑樽猶滿盤桓意自深誰云
貧徹骨委地有黃金

代壽還淳胡翁六十

花甲開初度鄉閭祝大椿農無慚石戶裔
不愧名臣白雪傾時輩青箱屬後人客來
勤倒屣蔬水未爲貧

喜侯都諫入鄉賢祠

生推鄉祭酒沒惜魯靈光官爲彈閣謫名
因忤主芳口碑遺惠澤疏草見文章俎豆
人皆羨蒸嘗傍素王

冬日祝山人千秋訪余園亭賦詩見

贈次韻奉答

閉門驚剝啄有客到園亭握手評詩社行
盃按酒經逢君荆乍識值我醉初醒傾蓋

何嫌晚論交鬢尚青
對子姪偶用吳允兆先生對子姪韻
自甘名姓賤不願世人知傲骨無從換灰
心何所之愛兒翁太溺教爾叔能癡眉皺
難娛老憎生病莫治

遇募兵赴遼

遼左夷氛熾江南調募先不難趨幕府何
易勒燕然鏡吹迎風沸旌旗蔽日懸舳艫

連十里豈是太平年

上巳日泛舟

上巳逢寒食禁煙仍祓除東風吹弱柳細
雨濕輕裾掠樹窺檣燕潛溪避釣魚及時
行樂事我輩莫教虛

清明湖上泛舟

放棹來丘壠春湖闊似潮淡烟籠遠樹輕
霧隱平橋野色四圍合閒愁一望消片帆

經過處惜別是天桃
合開然一望
春望日雷雨時抱微病
斗室天將曙聞雷殘夢清
倦嫌春夜短寒
覺布衾輕病至
雙花影愁來伴
雨聲吾生
慣高枕藥餌不關情

過浩然堂看猶子為母氏禮懺次金

重珍韻

半百初稱壽清齋禮梵王
北堂添佛日南

極著神光香氣飄
成果經聲度作航
劬勞難報答瞻拜祝無疆

浩然堂觀禮懺次希愚香字

壇靜諸天迥我來聞妙香
雙松供法藏片石對空王
解脫千聲偈神通一葦航
春暉萱正茂堂北日偏長

金重珍年七十矣遊興不衰以詩見

示次韻答之微寓隱諷林

往世誰常健無煩怨病魔山林深歲月舟
楫飽風波委化休嫌遠光陰勿厭多古稀
人共羨斗室勝行窩

牢愁釀積疴遣興托詩魔妄想常圓月浮
踪水面波但知為客慣翻惜在家多老去
雄心在誰能賦繭窩

先兄遺集多改竄刪芟重付剗刷有
感

十載刻遺編人稱幼婦篇章皆隨急就句
或以工傳面目如多改神情似不全風流
太憔悴還細體生前

病後立夏日雨中往華陽

華陽經歲約賈勇莫教虛春去寒仍在疴
來夏未除扁舟閒伏枕獨往靜攤書風雨
淹晨夕蕭條旅況餘

羨爾四首

羨爾心無累時爲汗漫遊客踪憑久暫世
態任沈浮歲月笙歌送賓朋麩蘖留只愁
行樂盡寂寞返林丘

羨爾園林好經營歲歲新樓臺增燦爛巖
岫倍嶙峋獨樂午高卧常閒日畏人桃源
真咫尺久住不知春

羨爾饒清福優游年歲長但知生滿志不
信世空囊門外風波惡窻前粉黛香是非

隔華屋真勝夜郎王

羨爾神偏王風流意轉雄夢隨歌扇隊影
戀舞衫叢畫鵲情常繫僧寮色不空名姬
羞薄行惱殺絳紗中

不寐戲用杜工部不寐韻

清宵渾不寐展轉厭更籌風送誰家笛月
明何處樓蟲聲喧阻睡酒力薄添愁難熟
華胥夢翻疑富可求

晚坐偶成

每日晡餐候笙歌時在東人能忘樂極我
愧歎途窮餉粥憑吾婦攜燈任小僮閉門
甘寂寞恨耳未全聾

夜涼同諸公借子姪小集卽事

偶然具雞黍乘露納涼新薄醉聊一斗清
言愜數人達生忘老境行樂羨東隣下筯
無兼味應憐阮籍貧

潞州鮮紅酒卽名葡萄紫侯甥伯遠
見餉酌之甘美詩以記之

鮮紅名甚質遠帶潞州香樽瀉葡萄味燈
搖琥珀光方傳自西域餉喜出東牀醉足
華胥夢妻孥索共嘗

立秋夜雷電大雨屋漏失眠卽事

今晨秋適至暴雨此宵驚浩蕩天疑漏汪
洋地欲傾燈昏分電影語久雜雷聲枕簟

無乾處舍愁坐五更
新秋聞蔣仲龍之訃六壻已亡其三
因念先學士移居東亭吾兩家兄弟
生於斯者凡六人今惟吾一人在耳
而又貧病且近況殊不堪長世也有
感得二首

自愧魯靈光休言五十強避人兼避地空
廩復空囊存沒關心切滄桑閱世長追思

一屈指雙鬢欲添霜

太史移居胤惟吾幸瓦全羊腸悲險甚鴈
序感淒然堂構貧難飾蒸嘗病不愆窮愁
稱後死寧肯受人憐

秋日閒居四首

日影漸入屋光陰柰爾何清心無俗事醒
夢有農歌涼意益荷盡秋聲隣樹多貧來
惟獨坐客解不相過

已絕功名念
 灰心得自由
 屏人忘白眼
 適意任科頭
 餬口欣時雨
 關情望有秋
 無魚耻彈鋏
 橋畔學垂鈎
 漸與世緣隔
 園林日涉宜
 衣冠束高閣
 詩酒伴閒居
 物態由人換
 秋容似我衰
 止餘瀟灑意
 不減少年時
 餘暉生返照
 獨自盼庭柯
 蟬噪涼時急
 虹光雨後多
 群居人笑傲
 獨酌我婆娑
 山月

須臾上幽情
 滿薜蘿

送賈客部還朝

青雀還朝日
 飛龍御宇辰
 三秋澄雨露
 萬里靜風塵
 少主弓旌急
 清時禮樂新
 需君典屬國
 演習賀楓宸

寄周念潛宮論

公方上疏宮車卽晏駕

憂時一腔血
 疏草萬人看
 新主心方注
 詞臣淚未乾
 舉朝齊拭目
 四海共彈冠
 補袞

須公等漁樵我輩安

中秋前二日庭下雙桂齊放獨酌雨

中作

雙桂中秋放相看幽意長
雨頻催粟綻風細釀花香
縱乏天邊月難停手內觴
小山招隱處獨酌亦何妨

予有書屋數間改作內室僅存小閣
以爲棲息之所旦晚且移榻矣情緒

作惡遣懷

半生六尺地幻跡寄寒暄
移榻依隣舍收書傍短垣
去時將不去存日詎須存
身外吾何戀飄然便出門
垂老貪安逸妻孥累轉生
世容女子態吾愧丈夫名
餬口惟三頓棲身只一楹
空門若可托眷屬聚如萍

書懷

衰年不得意天聽遠難呼積悶憑詩遣餘
生倩藥扶夢中時大哭食後每長吁妻子
誰堪語清宵酒一壺
聞三李將軍被逮
兄弟連推轂干城累聖明喪師幾縱虜失
地尚偷生萬死辜難贖三褫憤未平威名
舊寧遠羞殺墮家聲

次希愚弟初度韻

懸弧霜未降黃菊滿幽居氣暖蘭芽長天
清木葉疎閨中長命酒湖上放生魚延壽
知成賦挑燈手自書

三秋常作客初度偶家居彌月鸞凰合經
旬鴻鴈疎喜看尊有酒不歎食無魚慶女
頻依膝時時口授書

十月晴熱

小春饒暖氣恰似困人天菊蕊含霜綻芙

卷之四
暮映日鮮巾單仍是葛衣夾不裝綿紈扇
猶懷袖經秋未忍捐

齒墮齒自嘲并嘲見謔者

齒墮徵衰相何時得更生止堪糜作飽聊
可腐爲羨短髮欣成伴霜髭許結盟口雖
非狗竇出入每容卿

猶子就試吳閭口占送之

阮家多子姪共說仲容賢玉已三經泣楊

應百步穿梁溪嫌乘下茂苑奪茅前金馬
蕭條後青箱待爾傳

送子姪入邑試偶用扇頭周宮諭韻

世態趨軒冕爲儒感慨多詩書銷歲月鬢
序邈山河弱子期桃李閒身出薜蘿州門
天曙闌起視夜如何

雨後入園見菜漸長戲用杜韻

久霽逢時雨侵晨便入園畦陰聊輟灌蔬

潤漸成繁只苦冰霜剪還愁鳥雀喧春來
生意足客至佐盤飧
天啓長至後一日爲王季良光祿初度成
一詩代祝
喜君初度日晝錦自優游林下人爭羨樽
前客共留長生適長至添線卽添籌得此
桑榆樂鳴珂入夢不

驟寒憶猶子久出不還

落日西風急江村寒色新片帆前月艇百
里未歸人豈愛離家久寧忘作客頻青衫
如穩着好慰北堂親

夜夢泛太湖風浪大作枕上戲成

風波入夢惡萬頃忽茫然牀下如船底窻
前似水邊身安心泛泛聲寂耳潺潺破浪
吾何意三竿日晏眠

唐詩有皮襲美題陸魯望臨頓園居

十首冬日拙圃閒居述懷悉步其韻
俗情看欲破日日一菴居靜有千竿竹貧
餘半榻書故人遺臘酒愛女餉生魚自幸
無奇者門迴問字車
地僻堪逃世當年幸結茅花香蜂競採樹
暖鵲爭巢匿影非懷土棲身豈繫匏絕無
皮陸輩誰可托深交
落葉隨風下時時覆石牀清閒誇淨土煩

惱禮空王課子聊乘暇哦詩亦自忙午過
一縱步足力喜猶彊

晴光明靜几幽事少人知手有揮毫興囊
無貫酒資蒸嘗惟鬪婦賦稅任廬兒差喜
孫能伴頻頻讀古詩
歲寒甘蕩落剝啄寂荆扉天霽惟攤帙冬
溫忘授衣月升群鴈唳日暝獨禽歸未得
消愁法清宵酒力微

姓名人不識何必刺盈車日起只呼酒春
來獨看花莫言高士宅聊托野人家質比
蓬難直吾生幸傍麻

汲泉烹蟹眼煙裊夜方殘畏客塵懸榻無
魚棄釣竿齒搖妨噉肉髮短欲欹冠蓓蕾
梅含臘疎枝映石壇

庭際喬林聳群峯列遠天習書慚野鷺惜
已類寒蟬閣不燃藜火亭無草太玄爲園

期適意何必羨平泉

築圃寧辭拙三冬只閉門朝霜凝石面落
日照松根客絕無彈鋏交窮乏叩盆蕭然
無長物有硯可貽孫
索居思往日用世竟無能嘉遜忘榮辱觀
空泯愛憎豐凶雪意卜晴雨鵲聲徵飽食
吾何事頽然便曲肱

小至節館賓言返夜集卽事

久不逢高會銜盃近一陽風喧輕夜色霧
重奪燈光筋乏珍羞味盤無橘柚香放言
驚滿坐不是學佯狂
聞兩猶子資敬觀作文
文園聞見寡談秬到仙家清晝惟聽鶴閒
窻但染霞閣中藜是火紙上筆生花兄弟
姿如玉人爭羨五車

冬日泊舟湖上

乘閒維小舫竟日憩湖傍氣暖嫌衣重風
暄覺日長村童窺啜茗野叟怪焚香淳朴
無雕琢人多似上皇
小至日風雨課兒荒圃

小至逢風雨呼兒共草堂推窻疑入臘撥
火覺生陽墻竹青陰暗巖梅蠟色香閒看
鴻度處帶濕自翱翔
送王甥德卿歸葬故鄉見光祿兄弟

淚不止因追悼亡兒
未盡悲兒淚因君益斷腸
九年方入土孤
櫬當還鄉白玉遺中道
青衫赴北邙
吾心有私痛血胤絕真亡
草堂掛窆錄入

謝周宮諭寄宮曆

寶曆從天啟
頒來自玉堂
雲霞籠魏闕
雨雪滿江鄉
把酒占年瑞
開械祝運昌
知公密帷幄
培養聖齡長

雨後謁金重珍卽次來韻生字

積雨時經歲
扶筇過友生
林煙青作障
溪溜玉爲聲
松韻當窻度
梅香隔岸縈
坐來無別語
惟共祝春晴

人日約客觀燈重珍雪阻有詩見謝
十日次杯字答之

元年初約客人日
喜銜盃有興觀燈出何
妨踏雪回吾非安道遠
君不子猷來饒得

陽春句重陰頓欲開
新年十又一日有晴色
十日新年雨今朝霽始開
春光迎欲近臘意送將回
庭草爭辭雪園林忽見梅
滿前飛動意把酒一登臺

春夜得賈客部書問并寄宮曆

秋高青雀去臘盡鴈書來
因革聞朝宁寒暄慰草萊
瑤械從粉署信使破蒼苔
頒得

龍飛曆焚香祝聖開

春夜獨酌燈前

獨酌微沾醉燈前自在身
今宵猶客歲明日是王春
經雪梅初綻含風柳欲新
鳴珂休入夢願作太平人

元夕立春

初年還舊臘元夕是新宵
天啟佳辰會春逢令節饒
雪明疑月皎燈燦助寒消
此際

風光好明朝上柳條

子姪院案不錄書懷

鬱葱新歲月寂寞舊門庭髮易吾曹白衿

難兒輩青生涯惟爛醉物態總浮萍且置

榮枯事雙扉手自扃

馮冲和參軍南還談遠事却贈

五載滯遼陽今年返故鄉冰霜辭驛騎烽

火遠邊疆籌國眉千結憂時淚數行上方

新賜劔何日繫名王

遊天平山范氏園

移山愚是谷依巘巧成仙傑閣雙凌漢尖

峯亂盡天潭空蹲巨石廊裊幔青煙覽勝

難輕去呼樽欲醉眠

連泊虎丘問梅

虎丘成信宿夜夜對山僧短簿祠頻謁生

公石屢登鐘聲寂後度月色定來澄獨憶

幽棲友梅花開未曾
連日入山遊宴
山中楊柳綠日日看花忙出必乘朝旭歸
偏帶夕陽清歌停畫舫轟飲狎紅粧星月
宵仍燦推蓬喜欲狂
子姪就試僅一姪得售詩以勉之
掩關非避俗繩祖在詩書勿以牢愁感徒
令誦讀虛探竅三酉矢志惜三餘結網

須平日臨淵莫羨魚

春雨獨坐

朝雨勢滂浚呼童獨閉關家貧食客避身
賤草堂閒花好忘開落鶯嬌任往還聞然
無一事身似在深山
穀雨前大雨竟日夜卽事兼嘲無故

空餘泛舟者

驟雨連宵旦新波漲小池却嫌春暮日怪

似夏初時愁濕鳩相喚尋泥燕獨窺扁舟
空結客去去欲何之

偶書

三春駒隙過去住動經旬忙逐趨炎日間
寬臥病身畫船謀野合斗室老長貧何處
桃源好令人欲避秦

上巳日卽事

禊除逢上巳偶傍水邊行紈扇聊初試春

衣猶未成松花曝日細燕子掠風輕寂寞
蘭亭會香醪手漫傾

希愚弟滯吳門兩札見及却答
金閨別匝月兩度寄書郵我病不能出君
閒正可留笙歌圍水面花月縮船頭醉赴
吳姬約高眠何處樓

素負多情欲爲人解紛而力不能書

此解嘲

現世齋集 卷之四
處世嫌多事藏輝過此生熱腸空自結冷
眼暗相輕莫問交傾蓋無勞袒負荆逢人
惟一笑不必比河清

謝人餉酒二瓶

玩世托沈冥閒窻閱酒經但求樽得綠不
願眼能青愁劇耽長醉閒多畏獨醒玉瓶
雙損餉從此學劉伶

偶成

遠交密似織近闊冷如水暗裏戈矛利閒
中荆棘增逢人隨變幻舉眼任憑陵伎倆
由山鬼吾能學老僧

聞梁姬色態絕佳戲作

聞道梁家妓傾城衆共傳紅紗籠素體粉
面映花鈿天上無雙影人間絕比肩不如
開後閣省我見猶憐

遊維摩寺

久慕維摩寺山深幽意多塵清無俗溷地
僻少人過遊客知叅佛禪僧慣煉魔前朝
留古樹濃蔭一婆娑
過甘露畱寄希愚弟
過橋詢地主聞說綺筵張有興乘輕舫無
緣闖畫堂閒吟懷秀句獨酌憶瓊漿汗漫
遊堪笑淩波意莽蒼

遣悶

遣悶離妻子徒令悶轉侵逢山惟獨看遇
勝只孤吟漸老慚人間微疴畏客尋扁舟
隨處泊誰解逗留心

傳聞瀋陽失守漫成

瀋陽聞失守乍聽信還疑經歲隄防固須
吏保障虧陣雲烽火暗殺氣角聲悲退虜
無長策憂時漫賦詩

七夕與諸君小集次希愚弟江城韻

前字

雲容含嶺際電影閃庭前風浪天邊寂河
梁望外連佳期常隔歲良會忽經年新月
如鈎挂看星醉未眠

中秋前五日哭女後強集客看月書

懷

日揩哭女淚偶坐草堂幽強欲邀賓集聊
寬寓世愁免輸昨夜皎蟻適此宵浮秋睡

嫌難着聽風曙未休

中秋懷希愚弟還湖東未至兼促之

南國秋風阻東湖夜棹歸共看圓月碧獨
憶故人違抱璞還需遇知音莫怨稀阿咸
頻掃徑待掩賁園扉

中秋前三日同金重珍雲陽雲谷郭

甥開明次兒新塘小泛

知己欣同載扁舟任所之山頭雲起處天

際雨來時待月停橈久銜盃罷棹遲石梁
期盡興後夜訂追隨

辛酉秋榜後田園閒居五首

重陽霜降後刈獲趁晴天紫蟹漁人利黃
雞農父錢場乾爭曝穀土潤競耕田遠左
頻徵餉催租吏眼穿
城郭逢迎甚村居便隱藏牛羊吾作侶鸞
鳳爾成行鄰餉香秔飯兒分蕨笋湯興來

隴畝步日已映衰楊

久晴秋潦至溪水倍常清赤柿村村熟丹
楓處處明閒田黃犢放野岸暮罾盈已遂
耽丘壑無緣入市城
避世閉柴門墻隅剝啄喧時同稚子出聊
共野人言散眺過斜日閒行至別村歸來
無箇事屈指計寒暄

秋盡散晴煙天空意惘然蕭條嗟末路吟

詠幸餘年村酒清於水籬花瘦似錢時炊
菰米粥蝦菜晚來鮮

共憶季秋望月下獨飲懷希愚弟林韻來
秋老看明月清光兩地同乍思如夢裏遙
度在湖中葉墮多驚鵲霜飛有斷鴻懷人
醒怕獨難放綠樽空

入韻八月晦日大雨偶用張伯可扇頭韻
秋雨千村暝煙巒沒遠山水餘牧豎逸禾

熟鄰人間驚網羣魚躍尋棲獨鳥還經時
人徑絕不必掩柴關

哭亡女四律

哭汝離親膝纔盈一載餘濱危依病父臨
死別荒廬粧閣猶新整幃牀忽已虛可憐
屬纊日淚盡意欷歔

自知期已逼囑語見情真汝舅聞增戚而
夫聽慘神餘粧存舊篋遺闕待新人苦惱

現世齋集 卷之四
經今世無投再至身
三載兒孫痛經秋復斷腸意生當獨晚料
齒必能長詎信經年病偏遭一夕殤子無
子女在夫壻恃誰傷
父慚儒素舊育汝似單寒簡默超人意辛
勤得衆歡鏡收眉黛掩繡罷女紅殘遙隔
難頻哭呼天代撫棺

九日前雨中赴李澹然約卽事二首

西林秋色滿冒雨到仙家松頂千年鶴籬
邊九月花青精炊作供丹火煉成霞醉過
鄰僧舍蒲團誦法華
邀我飯胡麻因過羽士家燒燈恰聽雨登
閣喜餐霞酒至思陶令巾欵學孟嘉恢諧
助醕酌歸路散棲鴉

送高光祿詔起還朝

青雀清秋發雙鳧上九霄廿年惜去國今

日慶還朝同榜多先達齊名少舊寮匡時
須正學致主作唐堯

冬暖卽事

冬暖衣辭絮衰殘愜體輕新苔沿砌長空
翠傍簷生野叟閒脩樹園丁競採橙終身
巢許隱不羨世浮名

冬暖聞京師九月下雪有懷

江南天氣暖長至始裝綿不雨宜遊屐無

冰好放船筆融書學進釀熟酒旆懸聞道
秋先雪因懷冀北天

長安九月大雪因念東征

燕山飛雪早挾纈念殘遼五載饑寒困三
軍暴露遙誰人翻國耻何日靜天驕欲鼓
除兇氣君王賜紫貂

將遊武林作

離家有深意束卷自相將非爲十日飲寧

持一月糧衰殘無可療煩惱不堪當得
山泉伴何須是故鄉

出遊誠汗漫臨發轉蕭然祇乞容吾膝何
煩倩客船爲僧慙有累買藥愧無錢病骨
長途怯陰晴欲問天

長至夜泊舟始蘇城下

舴艋吳城泊一陽明日生有家離始快無
伴去能輕燃燭鄉愁息攤書客況清夜分

鄰舫語風順預期晴

長至日燈下書懷

拜廟陽生節茲辰客裏逢蒸嘗命兒攝祖
父量予情孤艇停寒雨清宵聽遠鐘祇因
煩惱甚三竺托携筇

風雨過鶯脰湖

破浪吳江汜澄湖一鏡縣風狂喧似暴雨
橫走如烟敗葉隨波泛殘蘆貼水眠寒鴉

千萬樹棲定撼仍遷

將抵武林

古刹首天竺香舟多及春時當將暮歲予
豈好遊人獨往寧嫌寂重來不問津行厨
無肉味茹素愜清貧

謁天竺大士

淨土名山頂衝寒叩上真慈悲空裏相接
引世間人苦惱應憐我皈依願捨身今生

何所覬懺悔後來因

舟中書懷

浪遊非我事何必畏寒深擁衲攤書坐焚
香闌韻吟醉醒期適興去住不關心携得
蘭亭帖船窓試一臨

由三竺抵湖濱渡至湧金門卽事

百道飛流急聲因雨後喧山容辭曉霧樹
色射朝曦野鶻窺人語閒鳧戲水痕湖光

現世齋集 卷之四
三
供應接一瞬湧金門

謁大士喜積雨薄雪後逢晴

侵晨通覺路禮佛喜逢晴
雪色寒松色風聲
遞水聲婦臨山澗
汲僧出寺門迎欲學
無生義皈依愧未誠

停舟武林童背登岸獨坐撥悶

家居多拂意人問欲無言
繫艇閒高枕推琴獨一尊
童偏嬉白日吾自坐黃昏
聞見

殊遠絕遊逾勝閉門

泊塘栖卽事時援遠兵船同泊

芳甸輕舟泊挑燈坐夜分
愁來呼酒散被冷
薰香薰月白看如曙
霜濃望絕雲東征
舳艫集十里柝聲聞

來往俱離烏鎮十八里橋泊卽事

飛虹距遙鎮停棹往來程
官舫乘風便漁歌
弄月明溪流迴似引
村犬吠能迎百感

客中散清宵夢不驚

出圃

暫遊何不可大笑別山窩
小雨滋苔蘚輕霜護薜蘿
蓬蒿半畝隘弧矢四方多
招隱吾能返移文莫誚訶

還圃

日涉已成趣初還更快哉
鵲喧山鬼避梅綻主人來
童僕爭除草兒孫侍舉盃
柴關

仍舊掩雲護懶常開

將抵家作

天容吾病骨日掛一帆風
眠食皆如意寒暄總適躬
不妨作客慣何必歎途窮
遊興還無盡遊資篋已空

內子五十兒女稱觴

江村偕老日兒女列成行
競進千秋祝爭持萬歲觴
汝能同貧賤吾豈厭糟糠
但愧

伯鸞遠誰人知孟光

除夕言懷

炮竹一爐紅相邀送歲終傳盃惟栢酒入
坐有梅風節意同雲外春光清漏中預思
行樂事絕意歎途窮

承壽卿除夜作次疎字奉酬

一年垂盡夜獨與故人疎竟爲悼亡苦偏
令守歲虛閒情托看劍幽意寄攤書誦得

陽春句勸君煩惱除

新年卽事

滄江日月換雙鬢覺皤然稚子多連袂衰
翁無比肩春來從客歲雪下自今年惟學
袁安卧期晴眼欲穿

元日試筆

江湖逢令節寓目總牢騷白旣憎雙鬢青
何戀一袍思枯忘妙句愁却藉醇醪簞笠

玩世齋集卷之四
貧能具磯邊擬釣鰲

人日卽事

春寒釀積雪人日飄未休路迷人摸索竹
壓樹偃僂梅蕊隱無辨鳥聲藏未稠新年
飛動意兀坐歎窮愁

穀日試燈宴客卽事

穀日遇新晴邀賓喜氣生雪饒初歲白日
吝此宵明春色緣燈燦交情借酒傾爲歡

崔丘壑何必慕公卿

子姪縣試不隨俗往送書此

新年童子試城市人肩摩雪霽晴光滿日
長春意多運思須并擲握管勿蹉跎喧寂
不同局吾安戀薜蘿

元夕前四夜月佳喜成

獻歲已十日月光今夜明賓疎未及約酒
熟獨自傾殘雪映空白和風拂面輕重陰

從此散日日放春晴

十一二三連夜有月獨坐小酌

浩彩重陰掩連宵分外明雪蒙山翠淺風

送笛聲清星斗餘光燦梅花疎影橫村墟

遊騎絕獨酌至三更

開館夜飲卽事兼示諸師生

別類無匝月握手已新年月色呼不出春

光黯可憐燒燈驅積雨酤酒佐初筵學以

師嚴進相期各勉旃

喜小孫生日天晴作

喜爾懸弧日春陰頓放晴偶然值緣分亦

足快心情玉醕掌中覆斑衣膝下迎衡茆

新歲月此樂勝浮名

新春園居用壽卿見投韻

園居甘寂寞同室邈山河開閣春光少攜

筇梅意多詩筒雖有約酒客絕無過好鳥

聲時度聽來聊當歌
國試上元後二宵酌西園二首
春火少詩
燈輪隨處滿小築更清幽
月向前宵望白
從今夜浮感時方作樂
懷舊又生愁
庭下
臺初就梅花開徧不
舊墅添新構良宵得宴遊
華燈明似月芳
釀色如油花木參差密
樓臺掩映稠
入山
何必遠此地卽丹丘

二十日天晴用籃輿出郊外卽事次

壽卿十六夜集韻

兩日晴光甚東風蕩積陰
天容何皎潔雲氣盡浮沈
綽約溪頭遇芳菲墻外尋
籃輿經過處隨地可披襟
兒子同無耀兄赴郡試口占送之

同心結作伴相與言如蘭
背水精須銳臨戎膽勿寒
幸忘青雀小不羨黃金寬
人笑

阿翁懶兒曹秦越看小不羨黃金買入笑
邀郡丞兄因陰雨輕寒飲不甚暢卽
事
淒風侵病骨小雨遲清言兀坐淹雙屐盆
梅伴一尊貧因寡供具衰覺略寒溫外境
嫌寥落交惟肝膽存

晦日卽事郡丞兄昨赴余約今留東

園

昨猶嫌雨宿今得喜晴新鄰舍留賓日山
家中酒辰柳條添意態梅蕊助精神月晦
風光好園林不負春

送金重珍往華亭餞董玄宰先生赴

奉常任

歲暮轍方返春中棹復飛晴來鶴唳響冰
後鱸魚肥山水緣難絕妻孥袂可揮奉常
天上去青雀叙睽違

兒子讀書先祠作此警之二首

長住塵氛絕清齋甘旨無藏脩離父母嗜
靜遠妻孥廟貌儀刑近八筵靈爽符晨昏
莫耽卧空裏倦能呼

學士芳名在後昆誰繼蹤年光真可惜世
態不堪容吾已迹麋鹿汝須志蛟龍賜書
一萬卷緇閱莫嫌重

聞廣寧陷寇逼山海

遼西一塊土回首盡腥羶經撫議不合士
馬死無邊轉輸捐塞下流亡滿目前用夷
原失策慘淡薊門天

胡馬長驅甚河西失已全旌旗蔽山海烽
火近甘泉國耻幾時雪夷氛何日湔九重
空納諫不惜帑金錢

虜報日急大司馬自請視師關上加
宮保與蟒玉復賜上方劔捐帑中金

重臣空出鎮司馬復行邊山海咽喉急陵
京肘腋偏東西勢漸合內外慮須專玩寇
誰人責支撐枉四年

寇忽門庭在中樞請出邊加官推轂重賜
玉解衣專榮寵須思報金錢莫浪捐當關
期却虜勿負劔龍泉

訛聞虜警如 世廟庚戌有會試孝
廉不許出城之旨侯甥北堂憂甚作

此志慨

臚傳虜闖入烽火照長楊遊子羈行李慈
親結寸腸人情漸洶洶身計欲茫茫鼎沸
江南遍杞憂殊未遑

聞虜警言念在京同鄉親友

京國遭邊警人言遂紛紜功名真長物富
貴總浮雲勝敗君臣共安危生死分江鄉
烽火隔妻子念離群

仲春喜久晴花放卽事

湖海春光遍久晴花競開松濤沸笙管雲
影繡莓苔鳥語參差換酒人次第來山蔬
厨不乏日日佐銜盃

靜海宗兄心齋水部癸卯歲予與締

交燕臺丙辰登第過梁溪曾通尺一
寄詩筆後乘傳經過予皆以俗冗不
及出晤辛酉奉 上命典廣試甫就

道而死二十年之交遂成今古不覺
情見乎辭

水部吾宗秀翩翩詞賦才筆械青雀舫荆
識黃金臺正羨相馬出忽傳馭鶴回廿年
睽對面旅櫬更堪哀

友人從北還談虜變後朝事成六首
欲詢夷虜事語且略寒暄臺省多築舍疆
圉半負恩捐生尸復火賣國身還存草莽

明功罪何時一叩闈
撫臣入深犴制府復家園尚氣爭如虎偷
生走似豚匡時空議論禦寇藉關門庶位
非不滿誰能護至尊

戰守無成策長城盡虜塵國門虛鎖鑰政
府乏絲綸九廟驚難定三朝變獨新視師
司馬淚頻灑濕車輪

邊臣初失地宰相復新除講學猶群叙談

兵只共疎中樞空有望內帑漸無餘冲主
勤宵旰甘泉日羽書

腹心收間諜內變陡然生敵遠城先潰夷
歸將欲迎死生節旣判戰守疏空爭聞道
泰山震憂時意未平

地失官仍補兵逃餉未蠲小臣言似沸大
老淚如泉設醮期弭患修齊當脩邊遙聞
此舉動國祚恃何延

五世孫集卷之四
春盡日宴客卽事

三月忽垂盡茲辰還是春慙慙投客轄潦
倒戀花神清晝傳松韻輕風動柳嘖長安
戎馬日輸却故園人

堂前尺素牡丹種自先學士開後先
秘書林居連開二年至今已二十餘
年矣今年忽開二朶對之酌酒紀以
五言一律

種自碧山植花當內史開依稀玉作瓣想
像雪爲堆一別廿年去忽仍雙朶來恍疑
遇姑射日日對銜盃

堂前開並蒂牡丹喜成

莫爲花呈瑞竒葩亦偶然托根玉堂裏並
蒂春風前乍看連枝艷分眸對面妍憑欄
嬌欲語客至酒如泉

三月晦日作

春盡不聞鶯空孤翠柳情簾前飛燕子屋
角鳴倉庚涼燠時常換雨晴日復更怕傷
遊客思三月未山行

初度日得次姪入泮信志喜

嶽降二毛侵良辰喜捷音亡兄未黃土少
子盡青衿爾近風雲路吾安草莽心北堂
萱獨茂存歿感逾深

初度日集客散後聞兩姪同往江城

弧矢生來志空嗟白雪巔草茅虛盛世杯
酒度流年有客無嫌雜逢歡莫論錢雨餘
聞小阮連袂入江天

先學士孫公兼公衡先後死而子皆
不乏青衿余不死而於先學士身後
之事肩任獨多欲子一青其衿未能
也入祠瞻拜成一詩志感

年來學士裔不乏繼書香曾各由通塞孫

寧論存亡鳳毛吾豈似駢角子難方薄德
愧酬祖冥冥敢責償

五日後一日集客于青其令未論

午節雖云過相邀舊酒徒折花供戲謔羯
鼓佐歡呼壁上猶懸艾盃中尚泛蒲乾坤
多殺氣日佩辟兵符

玩世齋集卷之四

玩世齋集卷之四

詩苑



2107